

姑溪綠可染小艇追晚涼
棹進破樹影波動搖
星芒荻淡漁火明風遠
水艸香尚想錦袍公醉
眼隘八荒坡陁青山冢
斷碣臥道旁悵望不可
逢蔡雲遊帝鄉

溪東南卽青山太白墓

明日再遊又賦

舟中如甌炊端坐畏暘死
未能踏增冰且復呼
艇子纖纖新月低玉鈞
沈野水微風生蘋末塵
抱真一洗可憐黃山塏
突兀莫煙裏依然十年

前看我行萬里兩槩且勿搖
橫舟小灘尾得詩
偶長吟宿鷺爲驚起

過采石有感

短衣射虎早霜天歎息南山又七年
唾手每思雙羽箭快心初見萬樓船
平波漫漫看浮馬一作高柳陰陰聽亂蟬
明日重尋石頭路醉鞍誰與共聯翩

將至金陵先寄獻劉畱守

梁益羈遊道阻長見公便覺意差疆別都王氣
半空紫大將牙旗三丈黃江面水軍飛海鶻帳
前羽箭射天狼歸來耍了浯溪頌莫笑狂生老
耍狂

登賞心亭

蜀棧秦關歲月迢今年蔡興却東遊全家穩下
黃牛峽半醉來尋白鷺洲黯黯江雲瓜步雨蕭
蕭木葉石城秋孤臣老抱憂時意欲請遷都涕

已流

夜泊龍廟回望建康有感

我醉行水上身輕如飛煙魚龍互悲嘯伴我夜
不眠羽扇揮浮雲月挂牛斗間河漢橫復斜風
露方浩然坡陀石頭城寂莫七百年世事感予
懷竦身入青天

將至京口

臥聽金山古寺鐘三巴昨夢已成空船頭坎坎

回帆鼓旗尾舒舒下水風城角危樓晴靄碧林
間雙塢夕陽紅銅瓶愁汲中澗水不見茶山九

十翁

頃在京口嘗取中
澗水寄曾文清公

荆谿館夜坐

河漢無聲天正青三三五五滿天星艸根冷露
黏溼螢幽人岸巾坐津亭憶下瞿唐浮洞庭陽
臺繫船夢娉婷朱門重重夜不扃四山猿鳥啼
青冥人生無帶風中萍幸我夢斷狂已醒繡韉

金絡帶萬釘何如故山鋤茯苓

泝谿

射的峯前禹廟東短蓬三扇臥衰翁閑攜清聖
濁賢酒重試朝南算北風水落痕畱紅蓼節雨
來聲滿綠蒲叢衝煙莫作匆匆去擬看溪丁下
釣筒

歸雲門

萬里歸來值歲豐解裝鄉墅樂無窮甌炊飽雨

湖菱紫箬絡迎霜野柿紅壞壁塵埃尋醉墨孤
燈餅餌對隣翁微官行矣聞山去又寄千巖夢
想中

月下自三橋泛湖歸三山

素壁初升禹廟東天風爲我送孤蓬山橫玉海
蒼茫外人在冰壺縹緲中茅舍燈青聞吠犬蘋
汀煙淡見驚鴻白頭尙耐清寒在安得終年伴
釣翁

懷成都十韻

放翁五十猶豪縱錦城一覺繁華夢竹葉春醪
碧玉壺桃花駿馬青絲鞵鬪雞南市各分明射
雉西郊常命中壯士臂立綠條鷹佳人袍画金
泥鳳椽燭那知夜漏殘銀貂不管晨霜重一梢
紅破海棠回數葉香新早梅動酒徒詩社朝暮
忙日月匆匆迭賓送浮世堪驚老已成虛名自
笑今何用歸來山舍萬事空臥聽糟牀酒鳴瓮

北窗風雨耿青燈舊遊欲說無人共

湖村秋曉

劔閣秦山不計年却尋剡曲故依然
盡收事業漁舟裏全付光陰酒榼邊
平野曉聞孤唳鶴澄湖秋浸四垂天
九關虎豹君休問已向人間得地仙

夜夢與宇文子友譚德稱會山寺若餞予行者明日挈明得子友書感歎久之乃作

此詩

夜夢集山寺二三佳友生相顧慘不樂若有千里行在門僕整駕臨道騅嘶鳴我友顧謂我天寒戒晨征遲速要當到徐驅勿貪程丁寧及藥餌依依有餘情隣鐘忽驚覺鴉翻窗欲明作詩謝我友有使頻寄聲

寒夜

小隱謝城市新寒尋褐袍秋燈依壁暗夜雨挾

風豪俗自隨時異身寧與世塵殘年夏何事持
蟹酌松醪

偷閑

老向人間未拂衣偷閑聊喜息塵機丹楓斷岸
秋來早淡日孤村客到稀偶憶雪溪攜鶴去却
從雲肆買蓑歸酒徒莫笑生涯別久矣淵明悟
昨非

冬夜聞雁有感

從軍曾戍南山邊傳烽直照東駱谷軍中罷戰
壯士閑細艸平郊恣馳逐洮州駿馬金絡頭梁
州毬場日打毬玉杯傳酒和鹿血女真降虜彈
箜篌大呼拔幟思野戰殺氣當年赤浮面南遊
蜀道已低摧猶據胡牀飛百箭豈知蹭蹬還江
邊病臂不復能開弦夜聞雁聲起太息來時應
過桑乾磧

書懷

愁向東華蹋軟紅暫歸舊隱樂無窮石池洗藥
涓涓水漁艇投竿嫋嫋風盡日醉醒菱唱裏隣
家來往竹陰中何須列戟長安第四面雲山擁
此翁

湖中暮歸

弄楫漁舟水濺衣興闌却傍柳邊歸風平別浦
沈新月日落前村鎖夕霏乍起鷺行橫野去欲
栖鴉陣暗天飛詩情自合江湖老敢恨功名與

願違

題齋壁

葺得湖邊屋數椽茅齋低小竹窗妍墟煙寂歷
歸村路山色蒼寒釀雪天性嬾杯盤常偶爾地
偏雞犬亦翛然早知栗里多幽事虛走人間四
十年

新葺門屋

林棲四壁空百事從簡易缺籬寒未補幽戶夜

不閉東偏欲廣屋厚費敢輕議設關力可具稚
子請遂事呀然兩竹扉寧復志容駟西山正當
前浩蕩納空翠下臨漁樵路橫鎖風月地惟愁
俗客來剥啄驚午睡

吾廬

吾廬雖小亦佳哉新作柴門斲綠苔拄杖每闌
歸鶴入釣船時帶夕陽來墟煙隔水霏霏合籬
菊凌霜續續開千里安期那可得笑呼鄰父共

傳杯

冬夜泛舟有懷山南戎幕

釣船東去掠新塘船近篷低露菊香十里澄波
明白石五更殘月伴清霜飄飄楓葉無時下嫋
嫋菱歌盡意長誰信梁州當日事鐵衣寒枕綠
沉槍

夢至成都悵然有作

春風小陌錦城西翠箔珠簾客意迷下盡牙籌

閑縱博刻殘 画燭戲分題 紫氍毹暖帳中 醉紅
叱撥驕花外 嘶孤夢淒涼身 萬里令人憎殺五
更雞

又

宦途元不羨 飛騰錦里豪華壓 五陵紅袖引行
遊 玉局華燈圍坐醉 金繩階前汗血洮河馬 架
上霜毛海國鷹 世事轉頭誰料得 一官南去冷
如水

月夕

開戶滿庭雪 徐看知月明 微風入叢竹 復作雪
來聲 俗塵不待掃 凜然肝肺清 村溪無漏鼓 鶴
唳報三更

將入閩夜行之雲門

東鷺竝偏門 籃輿兀睡昏 紡燈穿壁罅 吠犬闌
籬根 久客悲行役 清愁怯夢魂 餘生猶幾出 回
首付乾坤

山中觀殘菊追懷眉山師伯渾

空山菊花瘦如棘傾倒滿地枝三尺陰風冷雨
不相貸爛艸蒼苔共狼藉人雖委棄渠自香詎
必泛酒登華堂君不見仁人志士窮死眉山陽
空使後世傳文章

自雲門之陶山肩輿者失道行亂山中有
茅舍小塘極幽邃求見主人不可意其隱
者也

陂池幽處有茅堂井白蕭條艸樹荒小鴨怯波
時聚散病蔬傷蠹半青黃童兒衝雨收魚網婢
子聞鐘上佛香我亦算年息屏迹數椽何計得
連牆

冬夜聽雨戲作

少年交友盡豪英妙理時時得細評老去同參
惟夜雨焚香臥聽画簷聲

又

遶簷點滴如琴筑支枕幽齋聽始奇憶在錦城
歌吹海七年夜雨不會知

適閩

春殘猶看少城花雪裏來嘗北苑茶未恨光陰
疾駒隙但驚世界等河沙功名塞外心空壯詩
酒樽前髮已華官柳弄黃梅放白不堪倦馬又
天涯

欲行雨未止

幽幔依燈影空階送雨聲暫歸仍客路投老倍
鄉情眼澀書難讀心搖夢易驚病多常怕醉酒
盡却思傾

比作陳下瓜麴釀成奇絕屬病瘍不敢取
醉小啜而已

翠蔓扶疎采擷忙麴生系出古淮陽蹋成明月
團團白釀作新鵝淡淡黃醅甕秋淒驚凜冽糟
淋夜注夢淋浪西齋幽事新成譜首爲高人著

此方

酒方晉得之胡基仲

大雨中離三山宿天章寺

苦雨催寒不肖晴晚來餘勢更縱橫雲如山
 長空黑風似潮回萬木傾要偕關河供遠眼不
 辭泥淖困初程解衣一笑僧窗下幾兩青鞋了
 此生

早飯干溪蓋干吉故居也

劔外歸來席未溫南征浩蕩信乾坤峯回內史

會遊地竹暗仙人舊隱村白髮孤翁鉏麥壠
 荷小婦闖籬門行行莫動鄉關念身似流槎豈
 有根

贈楓橋化城院老僧

老宿禪房裏溪居罷送迎爐紅豆葺火糝白芋
 魁羹毳衲年年補紗燈夜夜明門前霜半寸笑
 我事晨征

雙橋道中寒甚

日晴

卷之十

題繡川驛

繡川池閣記曾遊落日欄邊特地愁
白首卽今行萬里淡煙依舊送孤舟
歸心久負鱸魚膾春色初回杜若洲
會買一蓑來釣雨憑誰先爲謝沙鷗

夜行宿湖頭寺

臥載籃輿黃葉村疎鐘杳杳隔谿聞
清霜十里伴微月斷雁半行穿亂雲
去國不堪心破碎平戎空有膽輪囷
泗濱樂石應如舊誰勒中原第一勲

衢州道中作

耿耿孤忠不自勝南來清夢遶觚稜
驛門上馬千峯雪寺壁題詩一硯冰
疾病時時須藥物衰遲處處少交朋
無情最恨寒沙雁不爲愁人說杜陵

過靈石三峯

奇峯迎馬駭衰翁蜀嶺吳山一洗空
拔地青蒼五千仞勞渠蟠屈小詩中

又

曉日曛曛雪未殘三峯傑立插雲間
老夫合是征西將曾次先收一華山

宿僊霞嶺下

吾生真是一枯蓬行徧人間路未窮
暫聽朝雞

雙闕下又騎羸馬萬山中重裘不敵晨霜力
老木爭號夜谷風切勿重尋散關夢朱顏改盡壯

圖空

連日風霜可畏自去
梁州未嘗有此寒也

道中病瘍久不飲酒至魚梁小酌因賦長句

我行浦城道小疾屏杯酌癯疥何足言亦復妨
作樂此身會當壞百歲均電電胡爲過自惜憊
臥困鍼烙未嘗膾噉喁況敢烹郭索今朝寓空

驛窗戶寒寂寞悠然忽自笑頓解貪愛縛紅燭
映綠樽奇哉萬金藥

宿魚梁驛五鼓起行有感

憶從南鄭客成都身健官閑一事無分騎霜天
伐狐兔張燈雪夜擲梟盧百憂忽墮新衰境一
笑難推舊酒徒投宿魚梁溪遶屋五更聽雨擁
篝爐

又

少時談舌坐生風管葛奇才自許同閉戶著書
千古計變名學劔十年功酒醒頓覺狂堪笑睡
起方知夢本空它日故人能憶我葛僊磯畔覓

漁翁

若耶溪有葛僊公釣磯

夢藤驛

倦馬投孤驛一峯青壓門蕭條秋浦路荒陋夜
郎村地瘴霜常薄林深日易昏百年常作客掛
悶近清樽

又

又入千山去真成萬里行

今年自成都赴行在又千餘里

入履霜常早駕秉炬或宵征古驛怪藤合荒陂

群鴈鳴客中常少睡歸夢若為成

梅花絕句

空谷佳人洛浦仙洗粧真態更嬋娟廣平莫倚

心如鐵撩起清愁又破禪

又

月中疎影雪中香只為無言更斷腸曾與詩翁

定花品一丘一壑過姚黃

曾文清公嘗問予梅與牡丹孰勝予以此

荅

又

折得梅花愧滿顏文書堆案正如輸君一覺

翛然夢長在清泉白石間

又

濯錦江邊憶舊遊纏頭百萬醉青樓如今莫索

梅花笑古驛燈前各自愁

又

蜀王小苑舊池臺江北江南萬樹梅只怪朝來

歌吹鬧園官已報五分開

成都合江園蓋故蜀別苑梅最盛自初開

監官日報府報至開五分則府主來宴遊人亦競集

又

湖上梅花手自移予所居在山陰鏡湖小橋風月最相宜

主人歲歲常為客莫怪幽香怨不知



劔南詩豪目錄

卷第十一

對酒 遣興 建安雪 雪晴至後園首二

開元暮歸 書懷 遊鳳皇山 園中

雜書首四 烹茶 病中久止酒有懷成都

海棠之盛 北齋 出塞曲 息故山

送錢仲耕修撰 建寧重五 雨晴至園

中 夏日首三 發書畫還故山戲書 白

髮 懷譚德稱 客思首二 建安遣興首六

病起偶到復菴 前有樽酒行首二 遊

南塢院 感懷 雨夜 夜坐偶書 長

歌行 雨夜不寐觀壁間所張魏鄭公砥

柱銘 客談荆渚武昌慨然有作 書懷

平生 自詠 池亭夜賦 雨夜偶書

思歸 客懷 伏中官舍極涼戲作

夢與劉韶美夜飲樂甚 暑夜 客意

夜香 柴懷叔殿院世綵堂 月夜 雙

清堂夜賦 采蓮首二 橋南納涼 芒屨

荔子絕句首二 官舍夙興 書懷 風

月 大將出師歌 婕妤怨 移疾 病

中懷故廬 夏夜不寐有賦 綠淨亭晚

興 憶山南首二 夕雨首二 試茶 莆陽

餉荔子 初秋書懷 建州絕無芡意頗

思之戲作 憶簪 客思 初秋夢故山

覺而有作首四 寓歎 雙清堂醉臥 醉

書 憶唐安 秋懷首二 晝臥聞碾茶

月下獨行橋上 夜意 秋夜書懷 思

故廬 雨夜 北窗哦詩因賦首二 俶裝

追感梁益舊遊有作 莆陽昭武延平

送兵漸集戲書 別建安絕句首三 初發

建安 宿北巖院 書感 長汀道中

黃亭夜雨 遊武夷山 泛舟武夷九曲

溪至六曲或云灘急難上遂回首二 崇安

縣驛 過建陽縣以雙鵝贈東觀道士為

長生鵝觀俯大溪鵝得其所矣武夷險絕

處有仙船架崖壁間數日前大風吹墮船

木數寸堅硬如石予偶得之皆此行奇事

也各賦一詩 右雙鵝 右墮木 紫谿

驛首二 鵝湖夜坐書懷 信州東驛晨起

玉山縣南樓晚望 玉壺亭 步過縣

南長橋遊南山普寧院山高處有墦院及
小亭縹渺可愛恨不能到 枕上感懷

晚過招賢渡 臥輿 奏乞奉祠留衢州

皇華館待命 寓舍偶題 夙興 夜坐

偶得石室酒獨飲醉臥覺而有作 午

睡 贈柯山老人 寓館晚興 葉相最

高亭 婺州州宅極目亭 謝演師送梅

首二 訪毛平仲問疾與其子适同遊柯山

觀王質爛柯遺跡 月巖 弋陽縣驛

弋陽道中遇大雪 雪中感成都 雪後

苦寒行饒撫道中有感 對酒首二 梅花

雪中尋梅首二 江上梅花

劍南詩集卷第十一



對酒

識字記姓名擊劍一人敵孫吳相斫書了解亦
何益不如黃金壘漱漱春波碧欣然對之笑未
飲愁已釋白頭生黑絲蒼顏桃李色金丹空九
轉正恐無此力朝飲續五斗暮飲髡一石寄謝
采芝翁無爲老青壁

遣興

西州落魄九年餘，濯錦江頭已結廬。
誰遣徑歸朝鳳闕，不令小住奉魚書。
余將赴夔道被命東歸 塵埃眯目詩情盡，疾病侵人酒興疎。
寄語鶯花休入夢，世間萬事有榮除。

建安雪

建谿官茶天下絕，香味欲全須小雪。
雪飛一片茶不憂，何況蔽空如舞鷗。
銀瓶銅碾春風裏，不枉年來行萬里。
從渠荔子腴，玉膚自古難兼熊。

掌魚

雪晴至後園

病扶藤杖覓殘梅，牢落情懷怕酒盃。
約束園丁勤灑掃，新年作意待春來。

又

寶馬東風擁犢車，碧雞坊裏擅豪華。
南來強作尋春夢，何處如今更有花。

開元莫歸

白髮書生不自珍天涯又作宦遊身谿橋煙淡
偏宜晚埜寺花遲未覺春日暝登山息謝屐病
餘漉酒負陶巾茹芝却粒平生事回首巖扉一

愴神

寺在紫
芝山下

書懷

濯錦江頭成昨夢紫芝山下又新年久因多病
疎雲液近爲長齋進玉延啼鳥傷簷春寂寂飛
花掠水晚翩翩支離自笑生涯別一炷爐香繡

佛前

遊鳳皇山

窮日文書有底忙幅巾蕭散集山堂一樽病起
初浮白連焙春遲未過黃坐上清風隨塵柄歸
途微雨發松香臨溪更覓投竿地我欲時來小
作狂

園中雜書

蕭蕭慈竹鳥呼風宛似山光小閣東剗欲杖藜

尋昨夢更添紅綻綠陰中

山光閣在潭毒關下

又

北窗看鏡意淒然夢斷梁州已七年獵獵綵旗

春日晚不堪花外見鞦韆

山南鞦韆最盛巷陌處處有之

又

筍生密密復疎疎來看偏宜曉雨餘乞與人間

作圖畫幅巾短褐小籃輿

又

殘花委地筍掀泥香椀請囊到處攜幽夢欲成

誰喚覺半窗斜日鷓鴣啼

烹茶

麴生可論交正自畏中聖年來衰可笑茶亦能
作病噎嘔廢晨飧支離失宵暝是身如芭蕉寧
可與物競兔甌試玉塵香色兩超勝把玩一欣
然爲汝烹茶竟

病中久止酒有懷成都海棠之盛

碧雞坊裏海棠時，彌月兼旬醉不知。
馬上難尋前夢境，樽前誰記舊歌辭。
目窮落日橫千嶂，腸斷春風把一枝。
說與故人應不信，茶煙禪榻鬢成絲。

北齋

新竹侵幽幔，疎蓮散遠汀。
研朱朝點易，搗藥夜潢橫。
一作橫經巖壑，知心賞琴樽。
樂性靈會當煩太史，一奏少微星。

出塞曲

千騎爲一隊，萬騎爲一軍。
朝踐狼山雪，暮宿榆關雲。
將軍羽箭不虛發，直到祈連無雁羣。
巖巖春雷收陣鼓，蜿蜿驚蛇射生弩。
落蕃遺民立道邊，白髮如霜淚如雨。
褫魄胡兒作窮鼠，競畏胡頭改胡語。
陣前乞降馬前舞，檄書夜入黃龍府。

息故山

千金不須買，畫圖聽我長歌歌。
鏡湖湖山奇麗

說不盡且復爲子陳吾廬柳姑廟前魚作市道
士莊畔菱爲租一彎画橋出林薄兩岸紅蓼連
菰蒲陂南陂北鴉陣黑舍西舍東楓葉赤正當
九月十月時放翁艇子無時出船頭一束書船
後一壺酒新釣紫鱖魚旋洗白蓮藕從渠貴人
食萬錢放翁癡腹常便便莫歸稚子迎我笑遙
指一抹西村煙

送錢仲耕修撰

姑熟溪邊識勝流十年重見豈人謀自應客路
難爲別不是陽關作許恁儼直公看鰲禁月倦
遊我夢鏡湖秋殷勤爲報中朝舊睡足平生是

建州

建寧重五

霏微入戶黃梅雨磊落堆盤碧筒黍病來一滴
不飲酒但嗅菖蒲作端午人生忽忽東逝波白
頭奈此節物何去年已作歸州客今年建州更

愁絕歸州猿吟鳥啼裏屈沱醉歸詩滿紙

屈沱蓋屈

原故居楚人謂江之別流為沱

卽今憶此那可得西望歸州三

嘆息

雨晴至園中

入夏經月雨園路久已荒今朝偶一到蒿艾如
人長豈惟鼃龜豪頗覺蜂蝶狂悵然懷故山舍
東百本桑迨此積雨餘枝葉沃以光父老適相
遇藉草揮一觴一觴頽然醉笑語相扶將賦詩

示兒子此樂未易忘

夏日

微風過中庭庭樹颯有聲穿簾徐入座巾屨有
餘清

又

展画發古香美筆娛晝寂是中亦何好使我喜
忘食

又

呼兒整吾駕駕言返林廬可使臨老眼常親車
文書

發書画還故山戲書

昨日遣画筥今日發書簾空齋惟一牀窗影亂
風竹平生鑽故紙夙好老尤篤奇哉掃除盡蟬
蛇三萬軸豈惟息煩心亦足養病目從渠襍襪
生自獻公車牘

白髮

白髮千莖綠鬢稀臥看鷓鴣刺天飛平生竊鄙
貢公喜故里但息陶令歸清坐子年書可讀近
遣書殘年賴有佛堪依君看世事皆虛幻屏酒
長齋豈必非

懷譚德稱

譚子文章舊有聲幾年同客錦官城江樓列炬
千鍾飲花市聯鞍一字行人世絕知非昨夢天
真堪笑博浮名空齋獨夜蕭蕭雨枕上詩成夢

不成

客息

千里關山道路賒可憐客子費年華
杯觴灑灑紅燒酒風露盈盈紫笑花
孤月有情來海嶠雙魚無信到天涯
此生那得常飄泊歸臥東溪弄釣車

又

兩鬢星星久倦遊淒涼況復寓南州
未甘蟋蟀

專清夜已嘆梧桐報素秋綺語安能敵
生死熱官正欲快恩讐空室飽作東歸
夢夢泊嚴灘月

滿舟

舟行還山陰道出七里灘

建安遣興

建安酒薄客愁濃除却哦詩事事慵
不許今年頭不白城樓殘角寺樓鐘

又

錦城重到嘆無期忽憶書臺步月時
白浪黏天

鮫鱔橫夢中識路亦何爲

又

今歲清詩欠百篇強尋筆硯意茫然秋風有句
君知否合在嚴光釣瀨邊

又

古今清絕沅湘路臥想蒲帆十幅開不是避人
思遠適肺肝塵土要詩才

又

綠沈金鎖少時狂幾過秋風古戰場夢裏都忘
閩嶠遠萬人鼓吹入平涼

又

刺虎騰身萬目前白袍濺血尚依然聖時未用
征遼將虛老龍門一少年

病起偶到復菴

經旬羸臥怯登臨偶憶東菴試一尋新竹初成

迷棧路

菴後依古城
有小棧百步

斷雲不散抱城陰陂池綠

靜龜魚樂亭館蒼涼艸樹深欲把一盃無奈嬾
病來觸目動歸心

前有樽酒行

虛堂雨過生涼颼勸君一醉君勿辭去年不知
今歲事明年萬事今得知舊時扶床同戲兒還
鄉問訊令人悲冢丘累累在者誰紙錢雨溼抱
樹枝君去六十有幾時更望七十何其癡求師
學道亦已遲謝客努力從鴟夷

又

綠酒盎盎盈芳樽清歌嫋嫋畱行雲美人千金
織寶裙水沈龍腦作燎焚問君胡爲慘不樂四
紀妖氛暗幽朔諸人但欲口擊賊茫茫九原誰
可作丈夫可爲酒色死戰場橫屍勝牀第華堂
樂飲自有時少待擒胡獻天子

遊南塢院

小破文書夢閑成杖履遊澗幽泉激激院靜竹

修修病骨涼如洗歸心浩莫收
舩輕不載石一葉亂沙鷗

感懷

半年建安城士友闕還往出門每太息還舍猶
惆悵有酒誰與傾得句空自賞疎直觸人情低
回泚吾顙豈無佳山水正爾寄夢想何當載親
朋煙浦搖兩槳

雨夜

一雨遂通夕安眠失百憂窗扉淡欲曉枕簟凜
生秋画燭爭碁道金尊數酒壽依然錦城夢忘
却在南州

夜坐偶書

衰髮蕭疎雪滿簪算年光景易駸駸已甘身作
溝中斷不願人知爨下音病鶴摧頰分薄俸悲
蛩斷續和微吟向來誤有功名念欲挽天河洗
此心

長歌行

人生宦遊亦不惡無奈從來宦情薄既不能短
衣射虎在南山又不能鬪雞走馬宴平樂惟有
釣船差易具問君胡爲不歸去片雲雨暗玉笥
峰斜日人爭石旗渡渡頭酒壚堪醉眠白酒醇
醖鱸魚鮮菰米如珠炊正熟尊羹似酪不論錢
翁唱菱歌兒舞櫂醉耳那知朝市開城門幾度
送迎官睡擁亂叢呼未覺

雨夜不寐觀壁間所張魏鄭公砥柱銘

疾風三日橫吹雨竹倒荷傾可憐汝空堂無人
夜向中臥看床前燭花吐壯懷耿耿誰與論楮
床老龜不能語世間豈無一好漢叱咤喑鳴氣
吞虜壁間三丈砥柱銘貞觀太平如夏觀何當
鼓吹渡河津下馬觀碑馳馬去

客談荆渚武昌慨然有作

去歲出蜀初東遊我舸大艚下荊州便風轉頭

五百里吟嘯已在黃鶴樓戲拈鐵笛吹出塞水
涌月落魚龍愁明朝喧傳古仙過碧玉帶束黃
絁裘豈知一官自桎梏簿書期會無時休豐城
寶劔已化久我自吐氣冲斗牛洞庭四萬八千
頃蟹舍正對蘆花洲速脫衣冠挂神武散髮爛
醉垂虹秋

書懷

青城結雲巢擬住三千年御風偶南遊萬里棲
素煙翠裘綠玉杖白目凌青天招呼方瞳翁邂
逅鳥爪仙朝咏陰陽歌算誦道德篇玉童持碧
簡崖鶴來翩翩海邊武夷山小留賞宿綠火食
非所樂巾褐常翛然清時未免出頗息世俗傳
行矣秋風高去采玉井蓮

平生

平生涉世似虛舟不著胸中一點愁已用浮雲
看富貴肯緣華屋嘆山丘戴溪寒釀千峯雪嚴

瀨聲酣七里秋好景人間隨處有未埋白骨且
閑遊

自詠

遊戲人間歲月多癡頑將奈此翁何放開繩筮
牛初熟照破乾坤鏡未磨日落苔磯閑把釣雨
餘蓬舵亂堆蓑明朝不見知何處又向江湖醉
踏歌

池亭夜賦

池上小亭幽清宵秉燭遊荷盤時瀉露螢火早
知秋有感歲時速無聲河漢流殊方不堪住歸
夢繞滄洲

雨夜偶書

高臥空堂風雨來夏闌頻看燭花摧新涼蕭爽
秋期近多病侵尋老境催萬事極知終變滅一
官那得久低回床頭幸有楞伽在夏炷爐香手
自開

思歸

平生無宦情方外久浪迹往來梁益間一笑頗
自得花穠錦城酒月白瞿唐笛咿啞下江艣跌
宕登山屐巴東煙雨秋渭上風雪夕至今客枕
夢萬里不能尺誰知建安城觸目非夙昔冥冥
瘴霧細瀲灩蠻江碧出門無交匆嗚呼吾何適
歸哉故山路詎必須暖席

客懷

客懷耿耿向誰語世事茫茫空自知
堅坐嬾窮牛渚怪倦遊何恨雁門
踦眼前客其一盃酒身後人傳千首詩
報與故交當賀我計歸猶及菊花時

伏中官舍極涼戲作

盡障東西日洞開南北堂漏從閑處
永風自遠來涼客愛炊菰美僧誇瀹茗香
曉來秋色起肅肅滿筠床

夢與劉韶美夜飲樂甚

死生契濶十年餘
欲話交情涕已濡
夢裏偶同清夜宴
醉中猶攬故人鬚
岸巾談笑今誰記
滿腹詩書只自愚
我亦與公同此病
早收身世老

江湖

暑夜

毒暑爾三伏微涼起
二夏月窗風竹亂煙渚
露荷傾寂莫借書讀
清羸扶杖行無功
耗官廩太

息負平生

客意

山行曳杖水拏舟
走遍茫茫禹畫州
蝴蝶夢魂常是客
芭蕉身世不禁秋
早因食少妨高臥
晚憶茶甘作遠遊
龍焙一嘗端可去
無心更爲荔枝畱

夜香

杖老誤焚傳竊食
慙無功清夜一炷香
實與天

心通忤物雖至愚許國猶孤忠一念倘自欺百
年寧有終上帝職造化生殺操至公稽首矢此
心其敢累兒童

柴懷叔殿院世綵堂

卷服貂冠世間有榮悴紛紛翻覆手不如御史
老萊衣世綵堂中奉春酒北斗爲觴山作豆鳳
竹鸞絲太中壽今年宗祀降恩綸太中拜前公
拜後嗚呼人誰無父母盛事有及公家否萬鍾
苦晚三釜薄人生此恨十八九我欲殺青書孝
友愧非太史馬牛走聖朝若遣采詩官尚可爲
公圖不朽

月夜

小醉初醒月滿床玉壺銀闕不勝涼天風忽送
荷香過一葉飄然憶故鄉

雙清堂夜賦

陸子病少間獨臥谿上堂人靜魚自躍風定荷

更香素月行中天流螢失孤光歸鳥飛有聲度
此十里塘嗟我獨何事遲算客異鄉太息搔短
髮起視夜未央

采蓮

蘸水朱扉不上關采蓮小舫夜深還一樽何處
無風月自是人生苦欠閑

又

雲散青天挂玉鉤石城艇子近新秋風鬟霧鬢

歸來晚忘却荷花記得愁

又

帝青天映翹塵波時有遊魚動綠荷回首家山
又千里不堪醉裏聽吳歌

橋南納涼

曳杖來追柳外涼画橋南畔倚胡床月明船笛
參差起風定池蓮自在香半落星河知夜久無
窮草樹覺城荒碧筒莫惜頽然醉人事還隨日

出忙

芒屨

芒屨一雙青筇枝九節輕登山猶健在投檄太
遲生滿意竹風冷入懷溪月明清秋故不遠回
首憶蓴羹

荔子絕句

驛騎星馳亦快哉筠籠露溼手親開不應相與
無平素曾忝戎州刺史來

又

放翁遊蜀十年回病眼茫茫每嬾開怪底酒邊
光景別方紅江綠一時來

官舍夙興

朝陽淡淡挂窗櫺桐葉無風忽自零不復扶頭
傾白墮但知臨日養黃寧新蔬帶露來幽圃脩
綆飛泉灑廣庭一出文書又圍繞正應高臥盡
頽齡

書懷

功名富貴兩茫茫惟有躬耕策最長
吏牘沈迷妨養疾囊衣結束待還鄉
洲中未種千頭橘宅畔先栽百本桑
書寄子公吾自嬾故人不是總相忘

風月

老來苦無伴風月獨見知未嘗費招呼
到處相娛嬉披襟萬里快弄影三更奇
淋漓蜀苑酒散

落江樓詩狂歌撼山川醉墨飛蛟螭
聊將調俗子更遣半生疑

大將出師歌

將軍北伐辭前殿恩詔催排苑中宴
紫陌驚塵中使來青門立馬羣公餞
繡旗雜沓三十里畫鼓敲鏗五千面
行營募宿咸陽原滿朝太息傾都羨
天聲一震胡已亡捷書奕奕如飛電
高秋不閉玉關城中夜罷傳青海箭
可汗垂泣小王

號不敢跳犇那敢戰山川圖籍上有司張掖酒
泉開郡縣還朝策勛兼將相詔假黃鉞調金鉉
丈夫未遇誰得知咎日新豐笑貧賤

婕妤怨

妾替初去家鄰里持車箱共祝善事主門戶望
寵光一入未央宮顧盼偶非常穉齒不慮患傾
身保專房燕婉承恩澤但言日月長豈知舜玉
陛翩若葉隕霜永巷雖放棄猶慮重謫傷悔不
侍宴時一夕稱千觴妾心剖如丹妾骨朽亦香
後身作羽林爲國死封疆

移疾

朝來移疾臥虛堂暫屏文書日夏長鷗鷺近人
情漸熟廉櫳欲雨意先涼紗巾自照清池影葢
笈閑銷古篆香莫恨微霜侵綠鬢爲渠歇盡少
年狂

病中懷故廬

我家山陰道湖山淡空濛小屋如舴艋出沒煙
波中天寒橘柚黃霜落穉稭紅祈蠶簫鼓鬧賽
雨雞豚空义魚有竭作刈麥無遺功去年一月
畱行役嗟匆匆今年歸興動艤舟待秋風杜飲
可欠我寄書約隣翁

夏夜不寐有賦

急雨初過天宇溼大星磊落纔數十飢鶻掠簷
飛磔磔冷螢墮水光熠熠丈夫無成忽老大箭
羽凋零劒鋒澀徘徊欲睡復起行三更猶凭闌
干立

綠淨亭晚興

綠淨亭邊物色奇放翁睡起曳筇枝新涼已似
雁來後微雨却如梅熟時綠竹成陰藏細棧朱
闌倒影入清池登臨獨恨非吾土不爲城頭画
角悲

憶山南

貂裘寶馬梁州日盤槊橫戈一世雄怒虎吼山
爭雪刃驚鴻出塞避雕弓朝陪策畫清油裏莫
醉笙歌錦幄中老去據鞍猶矍鑠君王何日伐
遼東

又

醉墨淋漓酒百盃轅門山色碧崔嵬打毫駿馬
千金買切玉名刀萬里來結客漁陽時遣簡踏
營渭北夜銜枚十年一夢今誰記閑置車中只

自哀

夕雨

屣履行莎徑移牀臥草亭風聲雜溪瀨雨氣挾
龍腥奕奕空中電昏昏雲罅星徂年又如許吾
鬢得長青

又

獨夜初傳漏空窗半掩扉候蟲燈下語水鳥雨
中歸客舍愁彈劔京塵怯化衣故人招隱意字

字莫相違

試茶

北窗高臥鼾如雷誰遣香茶挽夢回
綠地毫甌雪花乳不妨也道入閩來

莆陽餉荔子

江驛山程日夜馳筠籠初拆露猶滋
星隄皴玉雖奇品終憶戎州綠荔枝

初秋書懷

二十年前已二毛卽今何恨鬢蕭騷
孤燈自伴詩情苦俗子從嫌醉眼高
煙外暮鐘來遠寺雨餘秋漲集空壕
思歸更向文書嬾此手惟堪把蟹螯

建州絕無芡意頗思之戲作

鄉國雞頭賣早秋綠荷紅縷最風流
建安城裏西風冷白棗堆盤看却愁

憶答

憶昔西遊變姓名獵圍屠肆押豪英淋漓縱酒
滄溟窄慷慨狂歌華岳傾壯士有心悲老大窮
人無路其功名生涯自笑惟詩在旋種芭蕉聽
雨聲

客思

裘馬平生喜遠遊算年顛顛向南州文書與睡
中分日衰病和愁總怕秋無復雪郊看射虎俚
思煙浦聽呼牛還家誰道無餘俸倒橐猶堪買

釣舟

初秋夢故山覺而有作

陂水白茫茫艸煙溼霏霏牧童一聲笛落日無
餘暉遙山已漸隱村巷亞竹扉老翁延我入苦
謝柿栗微幸逢歲有秋一醉君勿違念此動中
懷命駕吾將歸

又

犬吠舍前後月明村東西岸草蛩亂號庭樹鳥

已栖我僕城中還擔頭有懸雞小兒勸我飲村
酒拆赤泥我醉不自覺頹然葛巾低著書笑蒙
莊茗芋物自齊

又

管我東歸時父老迎船頭開篷相勞苦怪我領
雪糲故山何負君且作數月畱豈知席未煖疋
馬來南州蠻花四時紅瘴霧日夜浮歸哉不可
遲勿與婦子謀

又

杜宇真吾交勸去恨不速忠告輸肝肺厚意均
骨肉陋哉鷓鴣語揣我貧念祿竹雞更鄙淺泥
淖憂車軸秋風嚴瀨清春雨戴溪綠行矣勿復
疑照影巾一幅

寓嘆

千載前人每暗同眼邊俗客馬牛風作文要可
張子布飲酒息從陳孟公半世氛埃成潦倒幾

時蓑釣入空濛一菴處處皆堪老莫怕無山著
此翁

雙清堂醉臥

客裏逢秋醉似泥空堂獨臥意淒迷亂號庭樹
西風急斜掛城樓斗低末路敢貪請鶴料微
官久厭駕雞棲平生玉局經行地擬乞氷銜隱
剡溪

醉書

半年愁病劇一雨喜涼新稍與藥囊遠初容酒
醜親浩歌驚世俗狂語任天真我亦輕餘子君
當恕醉人

憶唐安

南鄭戍還初過蜀朝衫與鬢猶爭綠逢春飲酒
似長鯨醉裏千篇風雨速唐安池館夜宴頻漱
漱玉船搖畫燭紅索琵琶金縷花百六十絃彈
法曲曲終却看舞霓裳嫋嫋宮腰細如束明朝

解醒不用酒起尋百畝東湖竹歸吳寂莫時自
笑縱有詩情誰省錄今年二頃似可謀去斲雲
根結茅屋

秋懷

算年身世轉悠悠又向天涯見早秋昨夜川剛
今夜雨關人何事總成愁

又

星斗闌干河漢流建州風物夏禁秋年來多病

題詩懶付與鳴蛩替說愁

晝臥聞碾茶

小醉初消日未晡幽窗催破紫雲腴玉川七盃
何須爾銅碾聲中睡已無

月下獨行橋上

新秋未再旬月露已浩然放翁一幅巾與影俱
翩僊飛橋挂澄谿幽竇鳴細泉開歲纔俛仰已
近搖落天殊方久滯畱感此歲月遷歸心看青

燈悄愴不得眠

夜意

火雲夕方收艸露秋已白堂空燈欲翳壁壞蟲
自噴四顧寂無人獨立岸吾憤寤通何足論等
是百年客何能爲一飽半世出下策布帆幸無
恙誰謂江海迮

秋夜書懷

斷香漠漠繞藤牀新月娟娟轉画廊鄉遠每勞
千里夢雨慳未放九秋涼衰遲分作驥伏櫪歛
退敢求錐出囊剗喜今年有奇事嚴遵灘下繫
歸航

思故廬

平生一束書不爲屋廬計微官寄郵傳俯仰閱
半世艸堂白雲邊日夜長松桂柴門入幽夢落
日亂蟬嘒宦遊有何好海角愁瘴癘拂衣便可
耳勿使老春薺

雨夜

小雨初涼夜殘燈欲暗時
病多愁近酒心弱怯
題詩舊友殊方少歸耕晚歲空
回頭語孤影此
意有君知

北窗哦詩因賦

二十來年賦遠遊一窗又復寄南州
雙鵝戲雨陂塘曉亂葉飄風院落秋
顏鬢蹉跎愁覽鏡江
山重復怯登樓平生事業詩千首
殘稿從教處

處畱

又

露下螢飛仲秋月山圍水繞建安城
病多不辨酒中聖身遠且令心太平
數卷蠹書行老矣一
盂蔬飯太憎生白雲只在簷間宿
聽我清宵詠
句聲

傲裝

絕物離人恨未能聊爲旦過打包僧
蹇驢渺渺

秋山雨孤榻昏昏夜店燈酒量已隨詩共退客
愁仍與病相藥頹然衰颯嗟誰識俠氣當年蓋
五陵

追感梁益舊遊有作

西遊萬里倚朱顏肯放尊前一笑慳蜀苑妓圍
欺夜雪梁州獵火滿秋山晚途忽墮塵埃裏樂
事渾疑夢寐間浮世變遷君勿歎劇談猶是詫
鄉關

莆陽昭武延平送兵漸集戲書

鼓聲晨統統角聲暮嗚嗚作官了何事空歎歲
月徂送兵稍稍集秣馬脂吾車風霜迫搖落殘
暑亦已無野渡剛丹楓破驛吹黃榆聊收作詩
料未用厭征途

別建安

三十年來雲水僧常挑鉢俯繫行滕信緣不作
癡巢窟卽是吾家無盡燈

又

楚澤吳山已慣行
武夷從簪但聞名
北巖小寺長汀驛
且喜遊山第一程

又

欵帽揚鞭晚出城
驛亭燈火向人明
多情葉上蕭蕭雨
更把新涼送客行

初發建安

小雨初收雲未歸
吾行迨及晚秋時
寒沙新雁

無人問露井殘桐
有客悲征袂
拂霜晨喚馬驛
窗剪燭夜題詩
悠然且作尋山想
夢裏功名莫自期

宿北巖院

車馬紛紛送人朝
北巖燈火夜無聊
中年到處難爲別
也似初程宿灞橋

峯參詩云初程莫早發且宿灞橋頭語意

至工

書感

初南詩豪

卷之十一

及古詩

溪路人家尚闔扉
疆扶衰憊著征衣
百年朝露古所歎
一櫂秋風吾欲歸
楚客長號沽白璧
漢宮太息遣明妃
鑠金消骨從來事
老矣何心踐駭機

長汀道中

晚過長汀驛
溪山乃爾奇
老夫惟坐歎
造物爲陳詩
鳥迭穿林語
松垂拂澗枝
憑鞍久忘發
不
是馬行遲

黃亭夜雨

去武夷四十里

未到名山夢已新
千峰拔地玉嶙峋
黃亭一夜風吹雨
似爲遊人洗俗塵

遊武夷山

少讀封禪書
始知武夷君
晚乃遊斯山
秀傑非
俗聞三十六
奇峯秋晴無
纖雲空巖巖
雞晨號峭
壁丹夜噉巢
居寄千仞鴻
荒想羲軒
風雨蛻玉
骨難以俗意
論丹梯不容
躡修蔓亦畏
捫泝灘

進小艇媿驚白鷺群學道雖恨晚養氣敢不勤
宦遊非本志寄謝鶴與猿

泛舟武夷九曲溪至六曲或云灘急難上
遂回

暮年脚力倦躋攀偕得扁舟臥看山怪怪奇奇
何所似綠蘿溪入下牢關

又

一葉凌風入硤來山童指點幾崔嵬急流勇退
平生意正要船從半道回

崇安縣驛

驛外清江十里秋雁聲初到荻花洲征車已駕
晨窗白殘燭依然伴客愁

過建陽縣以雙鵝贈東觀道士爲長生鵝
觀俯大溪鵝得其所矣武夷險絕處有仙
船架崖壁間數日前大風吹墮船木數寸
堅硬如石予偶得之皆此行奇事也各賦

詩

閑泛晴波唳綠萍却衝微雨傍煙汀會稽內史
如相遇換取黃庭一卷經

右雙鵝

斷崖幽洞白雲深縹渺仙槎無古今飛下一峯
相勞苦却疑天外有知音

右墮木

紫谿驛

信州鉛山縣

它鄉異縣老何堪短髮蕭蕭不滿簪旋買一尊
持自賀病身安穩到江南

又

雲外丹竇萬仞梯木陰含處子規啼嘉陵棧道
吾能說畧似黃亭到紫谿

鵝湖夜坐書懷

士生始墮地弧矢志四方豈若彼婦女齷齪藏
閨房我行環萬里險阻真備嘗嘗者戍南鄭秦

山鬱蒼蒼鐵衣臥枕戈睡覺身滿霜官雖備莫
府氣實先顏行擁馬涉沮水飛鷹上中梁勁酒
舉數斗壯士不能當馬鞍挂狐兔燔炙百步香
拔劍切大肉哆然如俄狼時時登高望指傾無
咸陽一朝去軍中十載客道傍看花身落魄對
酒色淒涼去年忝號召五月觸瞿唐青衫暗欲
盡入對衰涕滂今年復詔下鴻雁初南翔俯仰
未閱歲上恩實非常夜宿鵝湖寺槁葉投客牀
寒燈照不寐撫枕慨以慷李靖聞征遼病憊更
激昂裴度請討蔡奏事猶衷創我亦思報國夢
繞古戰場

信州東驛晨起

衣上征塵鬢畔霜信州古驛憩歸裝悲歌未宥
彈長鋏豪氣猶能臥大牀半暗殘燈搖北壁常
飢老馬臥東廂隣雞唱罷衣篝暖自笑行人日
日忙

玉山縣南樓晚望

小樓在何許正在南溪上空濛過釣船斷續聞
漁昌征途苦偏仄舒嘯喜清曠安得此溪水爲
我變春釀

玉壺亭

玉壺亭上小徘徊閑對殘荷把一盃冠蓋交馳
期會急長官未必辦頻來

步過縣南長橋遊南山普寧院山高處有
增院及小亭縹渺可愛恨不能到

偶扶藤杖過南津野寺長橋發興新暫就清溪
照鬚鬢不妨翠霧溼衣巾山縈細棧疑無路樹
落崩崖欲壓人朝莫有程常猝猝何因攜酒上
嶙峋

枕上感懷

五更攬轡山路長老夫誦書聲琅琅古人已死
心則在度越秦漢窺虞唐三更投枕窗月白老

夫哦詩聲嘖嘖淵源雅頌吾豈敢屈宋藩籬或
能測一代文章誰汝數老不能閑真自苦君王
雖賞于為于無奈宮中須羯鼓

晚過招賢渡

老馬骨巉然虺虺不受鞭行人爭晚渡歸鳥破
秋煙湖海淒涼地風霜搖落天吾生半行路搔
首送流年

臥輿

白首躬耕已有期夙城歸路却遲遲臥輿擁被
聽秋雨占盡人間好睡時

奏乞奉祠畱衢州皇華館待命

世念蕭然冷欲冰夏堪衰與病相藥從來幸有
不材木此去真為無事僧見丹霞錄耐辱豈惟容唾
面寡言端擬學銘膺尙餘一事猶豪舉醉後龍
蛇滿剡藤

寓舍偶題

轉徙身飄梗淹留等繫匏雁孤依遠渚鳩拙寄
空巢寒日頰梨頰清霜長橘包平生麴道士歲
晚欲淡交

夙興

客中睡眠少常以雞鳴興新炭熾宿火膏油續
殘燈焚香倚蒲團外靜中已凝榮辱兩不到淡
如秋水澄出定窗已白炯炯寒日昇厨人作芋
糝供此在家僧

夜坐

老知世事謾紛紛紙帳蒲團自策勲一夜北風
吹裂屋石樓無耳不曾聞

偶得石室酒獨飲醉臥覺而有作

初寒息小飲名酒忽墮前素鬢手自傾色若秋
澗泉浩歌復起舞與影俱翩僊一笑遺宇宙未
覺異少年詩人不聞道苦歎歲月遷豈知汝南
市自有壺中天河洛久未復銅駝棘森然秋風

歸去來虛老玉井蓮

午睡

風霜踐殘歲我乃羈旅人如何得一室牀敷暖
如春午枕挾小醉鼻息撼四隣心安了無夢一
掃想與因逡巡起頰面覽鏡正幅巾聊呼蟹眼
湯淪我玉色塵

贈柯山老人

柯山老人九十餘亂髮不櫛瘦如枯百穿千結
一布袴得酒一吸輒倒壺自言少年不蓄孥有
錢徑付酒家壚人生辦此真良圖棄官從翁許
我無

寓館晚興

隨牒人間不自憐衢州孤驛更蕭然百年細數
半行路萬事不如長醉眠短髮經秋真種種腹
寬耐事只便便晚窗商畧唯當飲安得黃花到

眼邊

今年九月將
盡竟未見菊

葉相最高亭

高亭新築冠鼇峯眼力超然信不同膚寸法雲

澤天下大千沙

一作法

界納胷中春遊到處群花

擁夜宴歡時百榼空劉白老來忘世味只思詩

酒伴裴公

裴晉公畱守東都白樂天劉夢得以分務與晉公倡酬

婺州州宅極日亭

尙書曳履上星辰小爲東陽作主人朱閣凌空

雲縹緲青山繞郭玉嶙峋似聞旋教新歌舞且

慰重臨舊吏民莫倚闌干西北角卽今河洛尙

胡塵

謝演師送梅

早梅時節到江南已判樽前酒滿衫輸與西鄰

明上座解從大庾嶺頭參

又

折送江梅意不疎要教相對鬪清臞爲君著向

明窗下試問山翁具眼無

訪毛平仲問疾與其子适同遊柯山觀王

質爛柯遺跡

籃輿訪客過仙村千載空餘一局存曳杖不妨
呼小友還家便恐見來孫林巒巉絕秋風瘦樓
堞參差暮氣昏酒美魚肥吾事畢一菴那得住
雲根

月巖

幾年不作月巖遊萬里重來已白頭雲外連娟
何所似平羌江上半輪秋

弋陽縣驛

大雨山中采藥回子頭巖畔覓詩來喚船野渡
逢迎雪攜酒溪頭領畧梅久客愁心端欲折何
時笑口得頻開慙勤記著今朝事破驛空廊葉
作堆

弋陽道中遇大雪

我行江郊暮猶進大雪塞空迷遠近壯哉組練

從天來人間有此堂堂帥少年頗愛軍中樂跌
宕不耐微官縛憑鞍寓日一悵然思爲君王掃
河洛夜聽簌簌窗紙鳴恰似鐵馬相磨聲起傾
斗酒歌出塞彈壓胸中十萬兵

雪中感成都

憶在西州遇雪時繡筵處處百花圍烏絲闌展
新詩就油壁車迎小獵歸感事鏡鸞悲獨舞寄
書箏雁恨慵飛愁多自是難成醉不爲天寒酒

力微

雪後苦寒行饒撫道中有感

殘雪暮還結朔風晴更寒重裘猶粟膚連酌無
駢顏指直不可握終日縮袖間十年走萬里何
適不艱難附火財須臾攬轡復慨歎恨不以此
勞爲國戍玉關

對酒

溫如春色爽如秋一榼燈前自獻酬百萬愁魔

降未得故應用爾作戈矛

又

歎息人真未易知
算年始覺麴生奇
個中妙趣誰堪語
最是初醺未醉時

梅花

臨州道中見梅
數樹憔悴特甚

我與梅花有舊盟
卽今白髮未忘情
不愁索笑無多子
惟恨相思太瘦生
身世何曾怨空谷
風流正自合傾城
增冰積雪行人少
試倩羈鴻爲

寄聲

雪中尋梅

莫遣扁舟興盡回
正須衝雪看江梅
楚人原未知真色
施粉何曾太白來

又

幽香淡淡影疎疎
雪虐風饕亦自如
正是花中巢許輩
人間富貴不關渠

江上梅花

老來樂事少關身猶喜尊前見玉人豈是淒涼
偏薄命自緣纖瘦不禁春娟娟月上明江練黯
黯天低糝玉塵絕磴斷橋幽獨處護持應有主
林神

劍南詩彙卷第十

劔南詩彙目錄

卷第十二

擬峴臺觀雪

舊在成都初春無事日訪

昭覺保福正法諸刹甚可樂也追懷慨然

因賦長句

園中賞梅

首二

正月十五日

出郊至金石臺

首二

六日小飲園中光景

鮮妍紅梅已拆恍記在果州偶得絕句

聞雁

撫州上元

登擬峴臺

燈夕有

感 庚子正月十八日送梅 初春懷成

都 春雨 雨中遣懷首二 晚晴 春晚

春晚坐講忽夢泛舟飲酒樂甚既覺悵

然有賦 遣興 老去 雨夜 簡黎道

士 臨川絕無佳酒時得一醉戲書 醉

中懷江湖舊遊偶作短歌 三月二十一

日 天祺節日飯罷小憩 息歸 齒痛

有感 南窗睡起首二 初夏 讀程秀才

詩 晨起 雨夜 得京書或怪久不通

問 水亭 醉眠 感舊首七 晝臥聞百

舌 寄呂博士 遊疎山 疎山東堂晝

眠 山中作 觀蔬圃 東堂晨起有感

金谿道中 小憩前平院戲書觸目

遣興 雨後獨登擬峴臺 數日訴牒苦

多憊甚戲作 與黎道士小飲偶言及會

文清公慨然有感 念歸 五月十一日

夜且半夢從大駕親征盡復漢唐故地見

城邑人物繁麗云西涼府也喜甚馬上作

長句未終篇而覺乃足成之 雨夜首二

焚香晝睡比覺香猶未散戲作 首二 仲夏

小旱方致禱忽大雨連日江水為漲喜而

有作 冒雨登擬峴臺觀江漲 薤庭草

蛺蝶詞 大雨踰旬既止復作江遂大

漲 首二 燒丹示道流 書感 夏日 寄

統 自訟 夏日晝寢夢遊一院闐然無

人簾影滿堂惟燕蹋箏弦有聲覺而聞鐵

鐸風響璆然殆所夢也邪因得絕句 虛

堂 夢仙 自嘲 長歌行 對酒 自

詠 夏日睡起 所居堂極涼雖三伏常

有秋意也偶得長句 雨後露坐小酌

日暮南窗納涼 中夜起登堂北小亭

登擬峴臺 夜意 道院遣興 夜行至

白鹿泉上 堂中以大盆漬白蓮花石菖

蒲儵然無復暑意睡起戲書 初秋 書

懷首五 狂吟 開雨 初秋小疾効俳諧

體 雨後極涼料簡篋中舊書有感 秋

夜 鈔書 晚自白鹿泉上歸 秋旱方

甚七月二十八夜忽雨喜而有作 秋日

入雨有感 書李商叟秀才所藏曾文清

詩卷後 碧海行 道院遣興 夜酌

言懷 送客城西 雨夜 病中作 社

日小飲晚到東園 秋晚登擬峴望祥符

觀 秋思 病目廢書 感管首二 視陂

至崇仁村落 馬上 寄周洪道叅政首二

北窗 登擬峴 休日 別張教授歸

獨登擬峴 晚晴至索笑亭 新釀熟小

酌索笑亭 乾道初予自臨川歸鍾陵李

德遠范周士送別是日宿戰平風雨終夕

今自臨川之高安復以雨中宿戰平悵然

感懷二首 村舍小酌 白塢道中藥臥輿

行 宿城頭鋪小飲而睡 豐城村落小

憩 再題 發豐城縣 豐城高安之間

憩民家景趣幽邃慨然懷歸 宿華嚴寺

寄奉新高令 高安州宅三詠三首 與

高安劉丞遊大愚觀壁間兩蘇先生詩

劍南詩彙目錄卷十二終

劍南詩彙卷第十二

擬峴臺觀雪

垂虹亭上三更月擬峴臺前清曉雪我行萬里
跨秦吳此地固應名二絕山川滅沒雪作海亂
墜天花自成態狂歌痛飲豪不除夏憶銜枚馳
出塞蘆摧葦折號飢鴻欲傳粉墨無良工摩挲
東絹三歎息收入放翁詩卷中明朝青天行日
轂萬瓦生煙失瓊玉世間成壞本相尋却看晴

山暈眉綠

舊在成都初春無事日訪昭覺保福正法
諸刹甚可樂也追懷慨然因賦長句

憶在西川集寶坊幅巾蕭散日初長伊蒲塞饌
分香積優鉢羅花散道場客路逢春增感慨舊
遊回首已微涼新晴強作尋幽計有底文書作
許忙

園中賞梅

閱盡千葩百卉春此花風味獨清真江邊曉雪
愁欲語馬上夕陽香趁人慰眼紅苞初報信回
頭青子又生仁羈遊偏覺年華速徙倚闌干一
愴神

又

行遍茫茫禹畫州尋梅到處得閑遊春前春後
百回醉江北江南千里愁未愛繁枝壓紗帽最
憐亂點糝貂裘一寒可賀君知否又得幽香數

日畱

正月十五日出郊至金石臺

漸老憺時節息遊邨可忘雪晴天淺碧春動柳
輕黃笑語寬衰疾登臨到夕陽未須催野渡聊
欲據胡床

又

開歲多休暇官身亦暫閑樓臺先畫永花柳向
春慳啼鳥隨遊轡和風愜醉顏更憐歸路好破

墨數峯山

晚歸見西南
諸山如画

六日小飲園中光景鮮妍紅梅已拆恍記
在果州偶得絕句

輕裘駿馬金泉路

金泉蓋謝自
然輕舉之地

默數新春又九

年風景不殊人自老忽驚作夢到臨川

聞雁

過盡梅花把酒稀熏籠香冷換春衣秦關漢苑
無消息又在江南送雁歸

撫州上元

江月微雲外街泥小雨餘人如虛市散燈似曉
星疎羈雁同身世新霜上鬢鬚明年夏清絕魚
火對茅廬

登擬峴臺

層臺縹緲壓城闔倚杖來觀浩蕩春放盡樽前
十里目洗空衣上十年塵縈迴水抱中和氣平
遠山如醞藉人更喜機心無復在沙邊鷗鷺亦

相親

燈夕有感

芙蓉紅綠亦參差睡起燒香強賦詩萬里錦城
無夢到豈惟虛負放燈時

庚子正月十八日送梅

滿城桃李爭春色不許梅花不成雪世間尤物
無盛衰萬點縈風愈奇絕我行柯山眠酒家初
見窗前三四花恨無壯士挽斗柄坐令東指催

年華今朝零落已可惜明日重尋更無迹情之所鍾在我曹莫倚心腸如鐵石

初春懷成都

我管薄遊西適秦歸到錦城逢早春五門收燈

藥市近小桃妖妍狂殺人

蜀中入春惟小桃先開似垂絲海棠

電

裳法曲華清譜燕妬身輕鸞學語歌舞更休轉盼間但見宮衣換金縷世上悲歡豈易知不堪風景似當時病來幾與麴生絕禪榻茶煙雙鬢

絲

春雨

冬旱土不膏愛此春夜雨四郊農事興老穉迭歌舞相呼長沮耕分喜樊遲圃豐年已在目亭障靜桴鼓我歸未有期一官寄倉庾幸復寬簡書不敢恨羈旅

雨中遣懷

病中草草度年華睡起昏昏日易斜抵歎愁禁

千斛酒薄情雨送一城花鏡湖煙水搖朱舫錦
里香塵走鈿車此夢卽今都打破不妨寂寞往
天涯

又

霏霏春雨細如絲正是春寒欺客時心向宦途
元淡薄夢尋鄉國苦參差樓前新漲綠三尺墻
外尙餘紅幾枝擺撥簿書呼酒榼南湖西塢有
幽期

晚晴

水聲瀲灩赴回塘簾影疎疎遶四廊靜院數盃
傾白墮幽窗一枕夢清湘潤侵書笥深防蠹暝
徹衣篝剩得香解組徑歸應更樂偷閑猶足傲
羲皇

春晚

五十六翁身百憂年來轉覺此生浮山川信美
故鄉遠天地無情雙鬢秋社後燕如歸客至春

殘花不爲人畱一觴一詠從來事莫笑扶衰又
上樓

春晚坐講忽夢泛舟飲酒樂甚旣覺悵然
有賦

夢泛扁舟逸興多畫橈搖蕩翅生波微風款款
生蒲葦小雨霏霏溼芰荷舞落烏紗從歲去歌
酣白紵奈情何年來惟覺華胥樂莫遣茶甌戰
睡魔

遣興

老子癡頑慣轉蓬殘年嬾復問窮通赦書雖未
除詩債盟府猶當策酒功桐嶺市回人踏月柘
岡月落鳥呼風浮生觸處無真實豈獨南柯是
夢中

老去

老去時時病春來日日陰文書有期會山水負
登臨倦客風埃眼孤臣狗馬心餘寒欺短褐莫

惜酒盃淡

雨夜

百紫千紅占歲華
又隨風雨捲泥沙
卽今空有夢爲蝶
當日曾將命乞花
倦枕殘燈人寂莫
幽窗小草字欹斜
悲歡變滅何窮已
學得山僧自一家

簡黎道士

滿箔吳蠶繭漸稠
四郊膏雨麥方秋
道人管是茶山客
病叟新爲藥市遊
耆舊凋零誰晤語
篇章璀璨尙風流
蘭亭剡曲春光好
尙肯相從弄釣舟

臨川絕無佳酒時得一醉戲書

有酒時劇飲無酒徒浩歌
庭花五六株老子獨婆娑
誰云苦寂莫在我亦已多
篋弦萬二千一笑謝天魔
夢作青城去翠磴捫松蘿
又爲平羗遊素月沉煙波
覺來撫几歎奈此桎梏何
流年

不貸人去去如飛梭

醉中懷江湖舊遊偶作短歌

無渡河浪花無蒂高崢嶸莫登樓茫茫芳草難
爲情華軒寶馬只好路旁看治金伐石空留後
世名古來惟有竹林諸人稱達生一醉之外萬
事鴻毛輕可憐癡人競聲利坐使方寸森五兵
散花洲上青山橫野魚可膾菰可烹脫冠散髮
風露冷臥看江月金盆傾

三月二十一日作

蹴踘牆東一市譁鞦韆樓外兩旗斜及時小雨
放桐葉無賴餘寒開棟花明月吹笙息蜀苑軟
塵騎馬夢京華懽情減盡朱顏改節物催人只
自嗟

天祺節日飯罷小憩

臥聽午漏隔花傳簾裏花殘有斷煙莫放鞦韆
鳴玉井偷閑要補五更眠

思歸

白髮滿青鏡悵然山水身那因五斗米常作半
塗人涉世風波惡思歸懷抱真會當求鉏斧送
老鏡湖濱

齒痛有感

眼暗頭童負聖時齒牙欲脫更堪悲算年漸解
人間事蒸食哀梨亦自奇

南窗睡起

夢中忘却任天涯一似當年錦里時狂倚寶箏
歌白紵醉移銀燭寫烏絲酒來郫縣香初壓花
送彭州露尚滋起坐南窗成絕嘆玉樓乾鵲誤
歸期

又

晝漏迢迢暑氣清不妨小倦帶餘醒夢從隴客
聲中斷愁向湘屏曲處生風度簾旌紅浪颭窗
明香岫碧雲橫閑情賦罷憑誰寄悵望壺天白

玉京

初夏

百葉盆榴照眼明
桐陰初密暑猶清
深深簾幕度香縷
寂寂房櫳聞燕聲
細煨詩聯憑棊几
靜息棋劫對楸枰
浣花光景應如昨
回首西州一

愴情

浣花四月十九日也

讀程秀才詩

程子晚相得居然一坐傾
新詩欲飛動病眼爲
開明英妙非凡質
衰遲畏後生吾徒可相賀
五字有長城

晨起

一官又寄汝江頭
落魄文園故倦遊
榻上鐸聲悲破夢
簷邊桐葉冷生秋
算年作吏寧長策
薄祿縻人尚小畱
晨起凭欄嘆衰甚
接羅紗薄髮飀飀

雨夜

雨夜

卷之十二

及古閣

兩鬢新霜換舊青
客遊身世等浮萍
少年樂事消除盡
雨夜焚香誦道經

得京書或怪久不通問

慣向江湖鍛羽翰
雲霄那敢接鵷鸞
百年未必如炊久
萬事真須作夢看
白首據鞍慙俠氣
清燈顧影嘆儒酸
手遮西日成何味
還我平生舊釣竿

水亭

日淡暑猶薄
雨餘風更清
翛然水亭立
試此葛衣輕
晒粉憐孤蝶
穿枝喜晚鷺
誰知簿書裏
也復得吾生

醉眠

達士如鴟夷
無客亦自醉
癡人如撲滿
多藏作身崇
放翁亦何長
偶自遠聲利
胸中白如練
不著一毫僞
醉來酣午枕
晴日雷起鼻
寄謝敲門人
予方有公事

感舊絕句

鴨翎堠前山簇馬雞蹤橋下水連天金丹煉成不肯服且戲人間五百年

又

鵝黃酒邊綠荔枝

鵝黃廣漢酒名綠荔枝出敘州

摩訶池上納

涼時冰紈不畫驂鸞女却寫江南白紵辭

又

南市夜夜上元燈西鄰日日是清明青檀犢車

碾花去黃金馬鞭穿柳行

又

十月新霜兔正肥佳人駿馬去如飛纖腰嫋嫋戎衣窄學射山前看打圍

又

半紅半白官池蓮

江瀆廟池

半醒半醉女郎船鴛鴦

驚起何曾管折得雙頭喜欲顛

又

紅葉琵琶出嘉州四絃彈盡古今愁胡沙漫漫
紫塞曉漢月娟娟青冢秋

又

美人傳酒清夜闌欲歌未歌愁遠山蒲萄一斗
元無價換得涼州也是閑

晝臥聞百舌

雨後郊原已遍犁陰陰簾幙燕分泥閑眠不作
華胥計說與春鳥自在啼

江南謂百舌爲春鳥

寄呂博士

薄宦東西蜀僑居太少城休論九年謫喜識萬
人英別久心常折書來眼未明功名君自力丘
壑我平生

遊疎山

我願匹馬飛騰遍九州如今苦無驥裏與驂驅
葛陂之龍又難致兀兀安得忘吾愁幸餘一事
差可喜雲山萬里芒屨底曳杖行穿嶓冢雲試

茶手挹香溪水江西山水增怪奇疎山之名舊
所知惜哉不見侏儒師尙想薪水俱空時寺門
欲近山若拆老樹蒼崖含古色挂包便住吾豈
能一來要是疎山客

疎山東堂晝眠

飯飽眼欲閉心閑身自安樂超六欲界美過八
珍盤香縷縈簷斷松風逼枕寒吾兒解原夢爲
我轉雲團

是日約
子分茶

山中作

朱墨紛紛訟滿庭半年初得試山行燒香掃地
病良已飲水飯蔬身頓輕日落三通傳浴鼓雨
餘千耦看農耕故巢光景還如此爲底淹留白

髮生

余書堂伴
雲門寺西

觀蔬圃

菘芥可菹芹可羹晚風伊嘍桔槔聲白頭孤宦
成何味悔不畦蔬過此生

東堂晨起有感

不解飛車越九州青鞵處處爲山畱百年未盡
且作夢三日閑行聊散愁世上幾經華表柱尊
前好在黑貂裘龍泉幸是無人斲算露光芒上
斗牛

金谿道中

雲閣苦竹市雨來烏石岡駕犁雙犢健鬻繭一
村香天地君恩重風埃吏責忙敢辭坡路滑且
領筍輿涼

小憩前平院戲書觸目

道邊小寺名前平殘僧二三屋半傾旁分千畦
畫楸局正對一山橫翠屏修纖弱蔓上幽援一作

拔堅瘦穉柏當前榮稻秧正青白鷺下桑椹爛

紫黃鸝鳴村虛賣茶已成市林薄打麥惟聞聲
泥行扶犁吒新犢野饁燒筍炊香杭十年此樂
發夢想忽然到眼難爲情上車欲去復回首那

將算境供浮名

遣興

小麥登場雨熟梅閉門病眼每慵開酒盃不解
爲愁敵書卷纔開作睡媒骨朽空名坐斷簡冢
荒殘碣臥蒼苔紛紛傾奪知何得老覺人間但
可哀

雨後獨登擬峴臺

高城斷處閣橫空目力雖窮興未窮燕子爭泥
朱檻外人家曬網綠洲中誰能招喚三秋月我
欲憑陵萬里風更比峴山無湛輩論交惟是一
枝筇

數日訴牒苦多憊甚戲作

江南五月暑猶薄梅子正黃風雨惡庭中訟獠
不貸人急甚常如虎遭縛空坐鼠迹畱几塵賦
詩飲酒疑前身脫歸徑臥與壁語敢恨無人問
良苦

與黎道士小飲偶言及曾文清公慨然有

感

臨川稅駕忽數月嗜睡愛閑常閉門君詩始愜
病僧意吾道難爲俗人言秋雨淒淒黃葉寺春
風酣酣綠樹村曾公九原不可作一尊破涕誦
招魂

念歸

江城五月朝暮雨雨腳纔收水流礎酒盃未把
愁作病塵柄欲拈誰共語有時暫解簿書圍獨
坐藤床看香縷林塘渺渺鳩正懽簾幙陰陰燕
新乳湖山舊隱入我夢白首忘歸獨安取一生
花裏醉春風卽今願作扶犁翁

五月十一日夜且半夢從大駕親征盡復
漢唐故地見城邑人物繁麗云西涼府也
喜甚馬上作長句未終篇而覺乃足成之

天寶胡兵陷兩京北庭安西無漢營五百年間

置不問聖主下詔初親征熊羆百萬從鑾駕故
地不勞傳檄下築城絕塞進新圖排仗行宮宣
大赦岡巒極目漢山川文書初用淳熙年駕前
六軍鎔錦繡秋風鼓角聲滿天首蓓峯前盡停
障平安火在交河上涼州女兒滿高樓梳頭已
學京都樣

雨夜

牆西泥三寸牆東草三尺可憐白鹿泉蛙龜紛
狼藉溼螢如隕星入戶黏几席病夫本嗜睡況
此風雨夕永懷灤西寺夏憶山南驛陳迹不可
追昏然墮吾幘

又

簷高雨聲壯堂豁霧氣入飛螢照畫棟相逐光
熠熠向來經春旱蒼耳暗原隰微官又厚責撫
事百憂集三日雨不休四野苗盡立登高思賦
詩簿書縛人急

焚香晝睡比覺香猶未散戲作

小屏煙樹遠參差吏散身閑與睡宜誰似爐香
念幽獨伴人直到夢回時

又

燕梁寂寂篆煙殘偷得勞生數刻閑三疊秋屏
護琴枕臥遊忽到灤西山

仲夏小旱方致禱忽大雨連日江水爲漲
喜而有作

早苗垂槁歎何堪大雨誰知變立談翠麓青林
吞欲盡惡風白浪戰方酣江翻龜窟連雲澤雷
挾龍腥起雪潭從此年豐真少事炷香終日坐
蒲龕

冒雨登擬峴臺觀江漲

雨氣分千嶂江聲撼萬家雲翻一天墨浪蹴半
空花噴薄侵虛閣低昂泛斷槎壯遊息夙笱蔡
醉下三巴

薙庭草

露草煙蕪與砌平
羣蛙得意亂踈更
微涼要作安眠地
放散今宵鼓吹聲

蛺蝶詞

蛺蝶子去復來
草長齊腰花亂開
蜜蜂辛苦爲人計
林鷺百轉胡爲哉
嗟爾蛺蝶獨得意
飛來飛去無嫌猜
追花逐絮闌干角
人生安得如汝樂

大雨踰旬既止復作江遂大漲

牆角蚊雷喧甲夜
溼星昏昏出雲罅
臨堂仰占久歎咤
懸知龍君未稅駕
行人困苦泥沒胯
居人悲啼江入舍
便晴猶可望秋稼
努力共禱城南社

又

一春少雨憂旱暵
熟睡湫潭坐龍嬾
以勤贖嬾護其短
水浸城門渠不管
傳聞霖潦下里遠
榜

舟發粟敢不勉空村避水無雞犬茆舍夜溪螢

火滿

民家避水多依丘阜
以小舟載米賑之

燒丹示道流

管燒大藥青牛谷磊落玉床收箭鏃扶桑朝暎
謹火候仙掌秋露勤沐浴帶間小瓢鬼神衛異
氣如虹夜穿屋點成黃金棄山海揮手人間一
裘足明年服丹徑仙去洞庭月冷吹橫玉相逢
只恐驚倒君毛髮毵毵墜地綠

書感

半世狂疎踐駭機算年持此欲安居會憑香火
消前業已築茆茨訟昨非余村居築小軒
以昨非名之薄俗
慣看翻覆手憂心空復倒顛衣煙蓑雪笠家風
在送老湖邊一釣磯

夏日

病退身初健時清吏夏休渴蜂窺硯水慵燕息
簾鈎碁局每坐隱屏山時臥遊真成愛長日未

用憶新秋

寄統

大兒挈藥囊小兒負書笈
吳作蘭亭遊詎必群賢集
言此二十年白首終未踐
汝復守荆扉經年不相見
楚越天一涯書疏何由頻
諸弟亦可憐說兄輒酸辛
江城秋尚遠桐葉落可埽
悵然懷故谿菱絲雨中老

自訟

家弊須微祿年衰尚遠遊
未逃朋友責更遣吏民羞
采藥息長往傳書却小畱
微風入桐葉分我一簾秋

夏日晝寢夢遊一院闐然無人
簾影滿堂惟燕蹋箏弦有聲覺
而聞鐵鐸風響璆然殆所夢也
邪因得絕句

桐陰清潤雨餘天
簷鐸搖風破晝眠
夢到画堂人不見
一雙輕燕蹴箏絃

虛堂

著氣虛堂一點無爽如秋露貯冰壺滄州未遽
浮舴艋碧井聊聽放轆轤肅肅清風生薤簞酣
酣美睡付紗幘惱人不奈奴兵輩環抱文書待

日晡

江百率以申初治
文書至暮夜乃已

夢仙

夢朝謁太官殿仰視去天甚近星皆
大如月氣候清寒如十月間時庚子

六月一
日也

中宵遊帝所廣殿綴仙官天迥星辰大霜清劔

珮寒賦詩題碧簡侍宴跨青鸞惆悵塵緣重夢
殘更未殘

自嘲

夜作看花夢朝賦飲酒詩吾夢固忘矣詩亦聊
自欺荒園無佳花牽牛漫疎籬給酒月四斗官
酒月止一觴難屢持悲歡有定數夫至誰得知
四斗耳願從大釣問一笑在何時

長歌行

初南詩集

卷之十二

長歌行

燕燕尾涎涎橫穿乞巧樓低入吹笙院鴨鴨紫
唼唼朝浮杜若洲算宿蘆花夾嗟爾自適天地
間將儔命侶意甚閑我今獨何爲一笑乃爾慳
世上悲歡亦偶然何時爛醉錦江邊人歸華表
三千歲春入筵篴十四絃

對酒

簷鐸鳴雜珮簾旌動微波我老懶讀書如此長
日何名酒來清江嫩色如新鵝奇蕝映玉盤珍
鮮開綠荷萬事姑置之適然酣且歌宦遊亦何
好且復小婆娑秋風雲門道踏月捫青蘿

自詠

夢歸不恨故山深霜雪今年已滿簪報國有心
身潦倒養生無術病侵尋晨興聊取經遮眼夜
坐時憑易洗心安用夏爲迺暑飲虛堂三復自
蕭森

夏日睡起

簾紋似秋水含風感微漪帳幅如春煙縹緲不
受吹團扇墮枕邊皎皎素月暉非睡復非覺心
定息自遲茶熟我亦起寒泉掬珠璣浮瓜空把
玩甚矣今年衰

所居堂極涼雖三伏常有秋意也偶得長

句

高棟虛簷六月涼野人誰遣寄華堂炎威自避
重重幙清吹時生曲曲廊白苧出箱開疊雪甘

瓜隨刃落輕霜憑誰爲報金羈客滿帽京塵有
底忙

雨後露坐小酌

閉門誰與樂頽年旋掃桐陰近酒邊病久一春
稀見蝶雨多六月始聞蟬官倉求飽真聊爾山
墅懷歸每惘然從此讀書仍復嬾惟畱白眼望
青天

日暮南窗納涼

冠蓋塵沙得我憎
脫巾聊喜髮鬢髥
素娥東湧行空濶
清吹南來掃鬱蒸
團扇正閑看破墨
矮牀欹臥怯文藤
扁舟歸去應尤樂
莫羨金盤賜苑冰

中夜起登堂北小亭

幽人曳杖上青冥
掠面風輕宿醉醒
朱戶半開迎落月
碧溝不動浸疎星
舍聲格磔頻移樹
花影扶疎自滿庭
歎思明年又安往
此身何啻似浮萍

浮萍

登擬峴臺

顛顛息吳客
淒涼擬峴臺
一年秋欲到
兩鬢老先催
裊裊菱歌斷
翩翩水鳥來
倚闌哦五字
未穩莫輕回

夜意

灑地移床曲檻前
葛衣蕭爽接離偏
庭空秋近露沾草
月落夜闌星滿天
靜待微風停素扇
旋

消殘酒漱寒泉
翛然自與氛埃遠
安用騎鯨學水仙

道院遣興

微官不復嘆頭顱
高棟虛窗樂有餘
中夜墻鈴空際語
望秋庭樹月中疎
飈吹青飯畱巖客
露點朱毫勘玉書
猶恨未成歸剡曲
小舟閑采白芙蓉

夜行至白鹿泉上

小雨病良已
新秋夜漸長
隔城聞鶴唳
出戶逐螢光
荒徑穿蒙密
遙空望莽蒼
泉聲落環珮
肝肺爲清涼

堂中以大盆漬白蓮花石菖蒲翛然無復暑意睡起戲書

海東銅盆面五尺中貯澗泉涵淺碧豈惟冷浸玉芙蓉青青菖蒲絡竒石長安火雲行日車此間暑氣一點無紗幮竹簟睡正美鼻端雷起驚

僮奴覺來隱几日初午碾就壺源分細乳却拈
煉筆寫新圖八幅冰綃瘦蛟舞

初秋

涇螢相逐照高棟又見一年風露秋流落江湖
常踽踽掃平河洛轉悠悠簿書終日了官事尊
酒何時寬客愁擬倩天風吹夢去浩歌起舞散
花樓

書懷絕句

不到天台三十年草菴猶記宿雲邊老僧曉出
松門去手挈軍持取澗泉

又

憶過棲賢見蜀僧雲堂十月冷生冰定回菽菽
聞——窗雪一椀琉璃照佛燈

蜀僧左繇
海辨也

又

丈人祠西山谷盤麻姑洞前松櫟寒仙翁欲覓
渺無處聞在青溪浴大丹

仙翁謂
譙先生

又

早佩黃庭兩卷經不應靈府雜羶腥憑君爲買
金鴉背歸去秋山斲茯苓

又

未駕青鸞返帝鄉三江七澤路茫茫看山看水
無程數漁艇爲家爰作糧

狂吟

浮世何須宇宙名一狂自足了平生秋風湘浦

初蘭佩夜月緱山聽玉笙學劍慣曾遊紫閣結
巢終欲隱青城年來自笑彌耽酒百斛蒲萄未
解醒

聞雨

潭底垂龍喚不磨騎陽似欲敗西成虛堂永夜
耿無睡起聽四郊車水聲

初秋小疾効俳諧體

宿疾逢秋劇衰容逐日添專房一竹几列屋萬

牙籤

今年傳書頗多

遣悶憑清聖忘情付黑甜晚來風

月好一笑捲疎簾

雨後極涼料簡篋中舊書有感

日昃小雨不至晡雨雖未足涼有餘細泉泠泠
咽幽竇清吹策策驚高梧笠澤老翁病蘇醒欣
然起理西齋書十年燈前手自校行間顛倒黃
與朱區區樸學老自信要與萬卷歸林廬爾來
世俗喜變古鑿空飾詐無根株愀然撫几三太
息力薄抱恨何由祛蘭臺漆書非已責且爲籤
牘除蠹魚

秋夜

湖海秋初到房櫳夜轉幽露濃驚鶴夢月冷伴
蛩愁生計依微祿年光陪遠遊嚴灘已拄眼早

晚放孤舟

去年欲自三衢舟行泛七里瀨歸山陰今竟當爲此行也

抄書

書生習氣重見書喜欲狂擣藥潢剡藤辛苦補

初月詩集

卷之十一

及古閣

散亡且作短檠伴未暇名山藏故家
借書于王韓具會諸家而呂 借籤帙舊
友韻朱黃
周輔宇文子友近寄朱黃墨 皇墳探
八索奇字窮三蒼儲積山崇崇探求海茫茫一
笑語兒子此是却老方

晚自白鹿泉上歸

坐穴藜牀愧未能酌泉聊喜曳枯藤
詩從病後功殊少酒到愁邊量自增
事業何由垂竹帛笑談空覺負交朋
興闌却逐棲鴉返寂寞西窗已

上燈

秋旱方甚七月二十八夜忽雨喜而有作
嘉穀如熱稗艸青沉憂耿耿欲忘生
鈞天九奏簫韶樂未抵虛簷瀉雨聲

秋日小雨有感

七月江邊暑已微虛窗臥看雨霏霏
淒涼蛩伴艸根語憔悴鵲從天上歸
志士酒酣看寶劔美人淚盡倚鴛機
嗟予亦有新秋感遙憶蒼苔滿

釣磯

書李商叟秀才所藏曾文清詩卷後

隴蜀歸來兩鬢絲
茶山已作隔生期
西風落葉秋蕭瑟
淚灑行間讀舊詩

碧海行

碧海如鏡天無雲
衆真東謁青童君
九奏鏗鏘洞庭樂
八角森茫龍漢文
共傳上帝新有詔
蚩尤下統旄頭軍
徑持河洛還聖主
夏度遼碣清妖氛
幽州螿堙一炬盡
安用咸陽三月林
藝祖騎龍在帝左
世上但策雲臺勲

道院遣興

滿鏡新霜老可驚
十年煙隴廢春耕
黃絲黑黍有歸夢
白髮蒼顏無宦情
浮世不堪供把玩
安心隨處是修行
尙嫌未到無爲地
酷愛朝鐘暮磬聲

夜酌

遙夜澆愁懶翹生燈前忽見臥長瓶比紅有句
狂猶在染白無方老已成園徑露螢粘溼艸墻
簷風鐸亂疎更悲秋要是騷人事未必忘情勝
有情

言懷

莫笑生涯似斷蓬向來諸俠避豪雄報仇使氣
風塵裏吹竹彈絲錦繡中樂事眼看成昨夢倦
遊心伏作衰翁論交尚喜筇枝在白鹿泉邊遡

晚風

送客城西

倦客憑鞍半醉醒秋光滿眼歎顏齡日斜野渡
放船小風急漁村攤網腥客思不堪聞斷雁詩
情彊半在郵亭歸來更恨城笳咽烟火昏昏獨
掩屏

雨夜

庭院蕭條秋意淡銅爐一炷海南沉幽人聽盡

青鸞

秋思

黃落梧桐覆井牀
莎根日夜泣寒螿
老生窺鏡鬢成雪
俊鶻掣鞬天欲霜
破虜誰持白羽扇
從軍曾擁綠沈槍
壯心自笑何時豁
夢遶祁連古

戰場

病目廢書終日危坐

肺渴常止酒
目昏復捐書
蒲團坐袖手
一窗寬

有餘心知世緣薄
分與鐘鼎疎
湛然千仞淵
養此徑寸珠
光明照憂患
何適不自娛
白雲可與友
晴空閑卷舒

感管

常記東園按舞時
春風一架晚薔薇
尊前不展鴛鴦錦
只就殘紅作地衣

成都小東門外趙氏園

又

八陣原頭縱獵歸
割鮮籜草酒淋漓
誰知此夕

西窗裏一盞青燈獨詠詩

八陣原在成都廣漢之間

視陂至崇仁村落

津亭徙倚客衣單秋盡江南亦已寒雁翅不禁
疎雨溼楓林初染早霞丹少年已歎儒冠誤莫
境更知行路難倦馬歸來踏殘日長吟聊得寫

憂端

馬上

客遊多感慨老病少歡欣去去穿村市翻翻吹

帽翳天低落平野雁遠入寒雲漸覺江城近秋
笳馬上聞

寄周洪道叅政

半生蓬艇弄煙波最夢三湘欸乃歌擬作此行
公勿怪胸中詩本漸無多

又

菱舟煙雨久息歸貪戀明時未拂衣乞與一城
教睡足猶能覓句寄黃扉

北窗

白首微官只自囚
青燈明滅北窗幽
五夏風雨
夢千里半世江湖身
百憂壯志已孤金鎖甲倦
遊空攬黑貂裘
灞亭夜獵猶堪樂
敢恨將軍老
不侯

登擬峴

翠阜圍平野
朱樓壓繚牆
風回半汀雁
雲護一天霜
有地聊容拙
無方可療狂
白頭詩興在
吟

罷意差彊

休日

賜休暫許養衰殘
靜院翛然晝掩關
釀酒移花
調護悶弄琴
洗硯破除閑
與人多忤讒
消骨報
國無功愧滿顏
一寸歸心向誰說
小屏依約刻
中山

別張教授歸獨登擬峴

小閣敞朱扉
停車暫息機
行人呼晚渡
幼婦浣

秋衣霜樹歆危堞風鴉滿落暉登臨客愁裏況
是送將歸

晚晴至索笑亭

中年苦肺熱曠喜見新霜登覽江山美經行艸
樹荒堂空響棋子盞小聚茶香與盡扶藜去斜
陽滿画廊

新釀熟小酌索笑亭

新酒黃如脫殼鵝小園持盞暫婆娑文章不進
技止此仕宦忘歸人謂何宿業簿書昏病眼夢
遊煙雨溼漁蓑醉中笑向兒童說白髮今年添
幾多

乾道初予自臨川歸鍾陵李德遠范周士
送別于西津是日宿戰平風雨終夕今自
臨川之高安復以雨中宿戰平悵然感懷
故人已作山頭土倦客猶鄣陌上塵十五年間
真一夢又騎羸馬涉西津

又

十五年前宿戰平長亭風雨夜連明無端老作
天涯客還聽當時夜雨聲

村舍小酌

野性安衡茅傑屋愁兢兢上不補縣官下有肉
食慙雖非策雲驥實鄙作繭蠶失計不容悔漁
蓑換朱藍少壯尙可力老大真難堪今朝意頗
豁村舍寄半酣玉版烹雪筍金苞擘霜柑豈惟
寫我憂亦以稅我驂弄筆作一笑何用與客談
逡巡上車去溼翠淨煙嵐

白塢道中藥臥輿行

小疾載臥輿獨飲亦薄醉朝離戰平館午過白
塢市清寒正空嬾搖兀夏益睡所嗟下程早不
得寃此味忽憶從軍時雪夜馳鐵騎壯心誰復
識撫事有餘愧

宿城頭鋪小飲而睡

亭傳臨江許牀敷息我勞屋茅殘月冷庭樹北
風塵虛市饒新兔村場有濁醪氣衰仍病著小
飲不能豪

豐城村落小憇

霜信催寒力尚微郵亭繫馬旋添衣平郊極目
冬耕遍小婦簪花晚餉歸孤宦每隨征雁遠故
人已似曉星稀上書自効真須猛菰正堪炊蟹

正肥

再題

柴門數頃秋半日爲遲畱老驥厭伏櫪飢鷹息
下韝野橋危欲斷山雨落還收何許丹青手端
能寫此愁

發豐城縣

豐城古縣已再遷出郭十步江渺然冷雲四合
欲下雪柔櫓數聲初放船孤村燈火照破驛客
子何以娛今夕不辭金盃醉十分要看玉花淡

一尺

豐城高安之間憇民家景趣幽邃爲之慨然懷歸

數家聚雲根細路入叢薄濺濺石渠水來往一
略徇有無鄰里通笑語婦子樂濁醪時相就青
蔬缺鹽酪日暮歸閉門績火星煜爚先期畢租
稅老不入城郭嗟予獨何事早挿紅塵脚故山
未成歸悵望有餘作

宿華嚴寺

夜宿華嚴寺人扶到上方喚僧同看回避佛旋
移牀小雨不成雪烈風還作霜鍾殘燈漸暗跌
坐默焚香

寄奉新高令

小雨催寒著客袍艸行露宿敢辭勞歲饑民食
糟糠窄吏惰官倉鼠雀豪只要閭閻寬筆楚不
須亭障肅弓刀九重屢下丁寧詔此責吾曹未

易逃

高安州宅三詠

丹井 神仙李八百煉丹處

丹成人已仙遺竈亦已平尚餘松根井鏘然環
玦聲我來試一啜槁面還童嬰祝君勿關鑰人

人遣長生 井有闌楯護之

劍池 李八百洗劍處

我壯喜學劍十年客峨岷毫髮恐未盡屠釣求

隱淪今年獨何幸見此度世人夜深來較術雷

雨戰江津

偃松

巨松偃青蓋閱世歸獨存頗疑古仲翁藏丹在
其根或是結靈藥百尺有伏龍終隨風雨化不
死何足言

與高安劉丞遊大愚觀壁間兩蘇先生詩

野性縱壑魚官身墮穿虎適得建溪春頗憶松

下禽微霜初變寒短景已過午佳客能聯翩老
宿相勞苦懷哉兩蘇公去日不可數泉扃一埋
王世事幾炊黍吾儕生苦晚佇立久惻楚尙想
來遊時黃鍾賡大呂

劔南詩彙目錄

卷第十三

宿黃僊觀兵火焚蕩之餘惟一殿突兀猶
在黃僊蓋與許旌陽同時飛昇者 玉隆
得丹芝 贈西山老人 病酒宿土坊驛
十一月上七日蔬飯驪嶺小店 進賢
驛感懷 入臨川境馬上作 別楊秀才
發臨川 早行 白干舖別傅用之主



簿 過茱萸鋪青松朱戶前臨大道絕似
西陲亭驛悵然有作 青溪道中行古松
間因少畱滄茶而行 弋陽縣江上書觸
目 乾封驛早行 過江山縣浮橋有感
衢州早行書懷 杭頭晚興二首 行至
嚴州壽昌縣界得請許免入奏仍除外官
感恩述懷 桐廬縣泛舟東歸 予欲自
嚴買船下七里灘謁嚴光祠而歸會灘淺

陸行至桐廬始能泛江因得絕句二首 漁

浦二首 蕭山 辛丑正月三日雪 正月

二十八日大雪過若耶溪至雲門山中

雪中登雲泉上方 衝雪至餘慶覺林雪

連日不止 大雪歌 雪霽歸湖上過千

秋觀少畱 二月四日作 新築山亭戲

作 春晴出遊 題山家壁 春晚風雨

中作 北窗 山中晚興 夜登山亭

西村醉歸 自詠 閒中頗有四方之志

偶得長句 遣興首二 醉題 小園首四

步虛首四 醉中登避俗臺 立秋前三日

夜坐庭中偶賦 南堂臥觀月 夜坐獨

酌 夜興 月夜泛小舟湖中三更乃歸

無題首二 自山中夜行還湖上 大風

新秋 月夕睡起獨吟有懷建康叅政

病瘧後偶書 秋日聞蟬 感秋 南

軒 夜坐 新涼書事 聞蟬思南鄭

憶咎 病中夜興 秋夜 謝張時可通

判贈詩編 酬莊器之賢良見贈 舟過

樊江憩民家具食 舟中作 九月三日

泛舟湖中作 霜天晚興 九月六日小

飲醒後作 書悲首二 中夜起出門月露

浩然歸坐燈下有賦 新寒 幽居 醉

中步月湖上 東村 西村 題張幾仲

所藏醉道士圖

首二

山園艸間菊數枝開

席地獨酌

湖村月夕

首四

卯酒徑醉走

筆

山中望籬東楓樹有懷成都 算秋

有懷王四季夷

幽居

有懷

對酒

初冬

晝寢夢一客相過若有舊者夷粹

可夢既覺作絕句記之

書歎

督下麥

雨中夜歸

霜曉肩輿行湖上 杜門

橫塘

書事寄良長老

食齋十韻

冬

暖頗有春意追憶成都晉遊悵然有作

忽忽

醉書山亭壁

十月旦日至近村

蔬圃絕句

首七

冬夜不寐至四鼓起作

此詩

蔬圃

夢中作

村居酒熟偶無

肉食煮菜羹飲酒

辛丑十月諸公餽酒

偶及百榼戲題長句

灌園

幽居

日

出入行

午醉徑睡比覺已甲夜矣

簡

蘇訓直判院莊器之賢良

醉眠曲

冬

夜

首二

夜話贈華師

臥病書懷

病中

絕句

首六

蔬園雜詠

首五

卯飲醉臥枕上

有賦

首二

劔南詩彙目錄

卷十三終

劔南詩彙卷第十三



宿黃僊觀兵火焚蕩之餘惟一殿突兀猶
在黃僊蓋與許旌陽同時飛昇者

拔宅翛然上碧虛神僊豈亦愛吾廬重門不改
雲山色古殿猶存劫火餘翠木蕭森高蔽日黃
冠貧窶自畦蔬殘年安得長來此一椀松肪讀
隱書

玉隆得丹芝

何用金丹九轉成手持芝艸已身輕祥雲平地
擁笙鶴便自西山朝玉京

贈西山老人

生世不把筆殘年惟灌園賃春來竝舍賣畫到
前村勤苦供租稅清貧遺子孫從來棲遁志剩
欲與翁言

病酒宿土坊驛

少時見酒喜欲舞老大畏酒如畏虎一日飲酒

三日病客路那堪夜聞雨雨聲蕭蕭宿空堂不
寐始知更漏長賣藥息從伯休隱愛花却笑拾
遺狂

十一月上七日蔬飯驪嶺小店

新杭炊飯白勝玉枯松作薪香出屋水蔬雪菌
競登槃瓦鉢氈巾俱不俗曉途微雨壓征塵午
店清泉帶脩竹建谿小春初出碾一碗細乳浮
銀粟老來畏酒厭芻豢却喜今朝食無肉尙嫌

車馬苦縻人會入青雲騎白鹿

進賢驛感懷

明日當歸
至臨川

環走幾千里馳歸亦再旬
征途饒感慨訟牒費精神
風雪常欺客文章本誤身
小詩無傑息猶得當吟呻

入臨川境馬上作

投老縻身簿領間却因馬上得偷閑
兼旬敢恨常爲客一飯何曾不對山
銅鏡無情欺白髮霜風有力散酖顏
今宵要看浮橋月儘放征騑晚入關

別楊秀才

歲暮江頭又語離淡煙衰艸不勝悲
俗人憤憤寧知子心事悠悠欲語誰
燈暗想傾澆悶酒路長應和贈行詩
人生但要身彊健一笑相從自有時

發臨川

見客道傍店添衣江上村陂長風浩浩山遠霧
昏昏虛日人聲合凶年菜色繁扶衰歸北闕何
以報君恩

早行

江路迢迢馬首東臨川一夢又成空日高未泫
晨霜白風勁先消卯酒紅山市人經饑饉後孤
生身老道途中著身穩處君知否射的峰前臥
釣蓬

白干鋪別傅用之主簿

我行忽百里送客亦已空傅子獨眷眷旦暮隨
此翁謝之不肖去瘦馬衝北風泥濺及馬臆霜
飛逼裘茸茅店得小語慨然念年凶不作兒女
悲道義相磨礪我歸亦何爲魚鳥愁池籠君乃
臺閣人鸞鳳儀笙鏞若耶遶青山子州堂在天
若耶溪上天
祿摩蒼穹此別各努力出處何必同

過茱萸鋪青松朱戶前臨大道絕似西陲

亭驛悵然有作

茱萸小驛夕陽愁搔首臨風感舊遊
渾似軍行散關路但無鼓吹動涼州

青溪道中行古松間因少畱瀹茶而行

露溼青松細細香旋呼拄杖踏斜陽
三生舊發遊山願一卷新傳辟穀方
雲外未論笙鶴近塵中實厭簿書忙
拾樵汲澗俱清絕聊爲煎茶一據牀

弋陽縣江上書觸目

縣前奇哉一江水日暮風吹碧鱗起
客恨征塵忽如洗不用金篦刮眸子
丹楓岸邊雪色蘆下有老翁方捕魚
欲求妙息貌畫圖王維鄭虔今世無

乾封驛早行

己巳被驛書乙亥戒徂兩扶衰犯霜露
疲憊不可狀夜行星滿天晨起雞初唱
槁枝燒代燭凍

菜撻供餉三年走萬里天幸苟亡恙深知賦材
薄自笑得名妄宣溫望玉座何以待諮訪春江
色如藍歸舟行可榜

過江山縣浮橋有感

堪笑行人日日忙又扶衰病過浮梁灘流急處
水禽下桑葉空時村酒香枯枿敢懷貪雨露飢
鴻自憫犯風霜宦途商略無安處早晚歸耕剡
曲旁

衢州早行

隣雞已三號殘燭無一寸參差發行橐迢遞望
前頓滿靴霜若雪破面風抵刃敢辭行路難漸
喜京邑近少年奉朝請親見堯授舜飄然如脫
葉蹭蹬垂七閩風埃暗征袍歲月集衰鬢餘生
迫歸休周行愧英俊

杭頭晚興

嚴州

山色蒼寒野色昏下程初閉驛亭門不須更把

澆愁酒行盡天涯慣斷魂

又

落葉孤村晚下程癡雲殘日半陰晴
篝爐火煖牀敷穩臥聽黃鴉穀穀聲

行至嚴州壽昌縣界得請許免入奏仍除

外官感恩述懷

曉傳尺一到江村拜起朝衣漬淚痕
敢恨帝城如日遠喜聞天語似春溫
翰林惟奉還山詔湘

水空招去國魂聖主恩深何力報
時從天未望

修門

桐廬縣泛舟東歸

桐江艇子去乘月笠澤老翁歸
放慵一尺輪困霜蟹美十分
湫灩社醅濃宦遊何啻路九折
歸臥恨無山萬重醉裏試吹蒼玉
笛爲君中夜舞魚龍

予欲自嚴買船下七里灘謁嚴光祠而歸

會灘淺陸行至桐廬始能泛江因得絕句
客星祠下渺煙波欠我扁舟舞短蓑不爲窮冬
怕灘惡正愁此老笑人多

又

桐廬縣前舫聲急蒼煙茫茫白鳥雙亂山日落
潮未落勝絕不減吳松江

漁浦

桐廬處處是新詩漁浦江山天下稀安得移家

常在此隨潮入縣伴潮歸

又

漁翁持魚叩舷賣炯炯綠瞳雙臉丹我欲從之
逝已遠菱歌一曲算江寒

蕭山

素衣已免染京塵一笑江邊整幅巾入港綠潮
深蘸岸披雲白塢遠招人功名姑付未來劫詩
酒何孤見在身會向桐江謀小築浮家從此往

來頻

辛丑正月三日雪

開歲尚殘冬佳哉雪意濃潤歸千里麥聲亂五
更鍾簾隙收初密牆隅積已重龍團笑羔酒狐
腋襲駝茸危檻臨欹竹幽窗聽墮松忽思西戍
日憑堞待傳烽

予從戎日嘗大雪中登興元城上高興亭待平安火至

正月二十八日大雪過若耶溪至雲門山

中

山中看雪醉騎驢清賞真成十載無高壓孤峰
增峭絕斜傾叢竹失枝梧松肪火暖眠僧榻笑
糝羹香擁地爐病骨雖癯猶健在未應遽作臥
遊圖

雪中登雲泉上方

滃滃雲堆上茫茫雪海中煎茶誇坐客打竹課
蠻童水谷鳴飢鶴煙汀立斷鴻歸來更堪喜葑

火滿爐紅

僧以葑爲火

初月詩集

卷之十三

汲古閣

衝雪至餘慶覺林雪連日不止

策蹇清吟涉若耶灞橋猶恨近京華山前千頃
誰種玉座上六時天散花林雀無聲溪釣斷炊
煙不動竹籬斜勝遊更覺平生少未羨銀河泛
客槎

大雪歌

若耶溪頭朝暮雪鴉鵲墮死長松折橫飛忽已
平屐齒亂點似欲粧簾纈放翁憑閣喜欲顛摩
娑拄杖向渠說莫辭從我上嵯峨此景與子同
清絕銀盃拌蜜非老事石鼎煎茶且時啜題詩
但覺退筆鋒把酒未易生耳熱扶衰忍冷君勿
笑報國寸心堅似鐵漁陽上谷要一行馬蹄蹴
踏河水裂

雪霽歸湖上過千秋觀少畱

縱轡不嫌遠逢山猶一登夕陽陂渺渺殘雪堆
層層折竹橫遮道飢鳥下啄水欲歸還小駐倚

杖對峻嶒

二月四日作

早春風力已輕柔
瓦雪消殘玉半溝
飛蝶鳴鳩俱得意
東風應笑我閑愁

新築山亭戲作

危檻凌風出半空
怪奇造化欲無功
天垂繚白縈青外
人在紛紅駭綠中
日月匆匆雙轉轂
古今杳杳一飛鴻
酒酣獨臥林間石
未許塵寰識

此翁

春晴出遊

一春疆半病頗廢
山澤遊今畏忽良
已風日亦清柔
朝食具冷餅瘦骨
辭重裘穉荷出溝
港芳杜滿河洲
勿言酒苦薄一笑
失百憂且當詠尋
壑詎必賦登樓

題山家壁

山中無傳漏猿鳴
知旣夕芳藤上幽
援素月照

高壁主人殊喜事歡若有夙咎稚子繁竹繁炊
黍持餉客卜隣雖未辨清嘯聊自適衰病久廢
詩筆端歎荆棘

春晚風雨中作

箕踞藜牀岸幅巾何妨病酒住湖濱駕風浪作
連三日掃地花空又一春樂事清宵當秉燭畏
途平地有推輪頽然耐辱君無怪元是人間澹
蕩人

北窗

九陌黃塵早莫忙幽人自愛北窗涼清吟微變
舊詩律細字閑抄新酒方艸木扶疎春已去琴
書蕭散日初長破羌臨罷檣頤久又破銅匱半
篆香

山中晚興

薄酒亦陶然偃蹇澗石側巾墮拄杖橫意象頗
自得青山受落日忽作玻璃色躊躇不忍去下

磴天已黑

夜登山亭

飛觀崢嶸天宇寬
幽人半醉凭闌干
三山渺渺鸞鶴遠
七澤茫茫蓑笠寒
清吹拂林橫玉笛
紫雲覆鼎熟金丹
童顏綠鬢無人識
回首塵寰一

夢殘

西村醉歸

俠氣崢嶸益九州
一生常恥爲身謀
酒寧剩欠

尋常債劔不虛施
細碎讎

見孟東野詩

岐路凋零白

羽箭風霜破弊黑
貂裘陽狂自是英
豪事村市歸來醉跨牛

自詠

三十年前接俊遊
卽今身世寄滄洲
俚聲不辨諧韶護
算氣寧能徹斗牛
綠酒可人消永日
黃鸝多事管閑愁
吹笙跨鶴何時去
剩欲平章太

華秋

閑中頗有四方之志偶得長句

世論紛紛枉見仇吾身自計本悠悠讀書漸嬾
惟息睡壓酒初成不怕愁蜀棧冷雲侵瘦馬楚
江籠月繫孤舟興來會作飄然去更續騷人賦
遠遊

遣興

綠髮凋零白髮多山林未死且婆娑無端忤俗
坐狂耳甚欲讀書如嬾何雨過亂蓑堆野艇月

明長笛和菱歌此中得意君須領莫愛車前印

幾策

又

遠簷新葉著啼鴛睡起東窗一榻橫愁衮衮來
疑有約春堂堂去恨無情鶻飛局上新棋勢龍
吼牀頭古劒聲莫歎柴荆無客到綠尊還對算

山傾

醉題

坎止流行五十秋
曾中不解著閑愁
浩歌野渡驚雲起
狂舞空庭挽月留
性本自然憎截鶴
器非大受愧函牛
平生最愛嚴灘路
早晚貂裘換釣舟

小園

小園煙艸接隣家
桑柘陰陰一徑斜
臥讀陶詩未終卷
又乘微雨去鋤瓜

又

歷盡危機歌盡狂
殘年惟有付耕桑
麥秋天氣朝朝變
蠶月人家處處忙

又

村南村北鶉鴉聲
水刺新秧漫漫平
行遍天涯千萬里
却從隣父學春耕

又

少年壯氣吞殘虜
晚覺丘樊樂事多
駿馬寶刀俱一夢
夕陽閑和飯牛歌

步虛

微風吹碧海細生龍鱗半醉騎一鶴去謁青
華君歸來天風急吹我過緱山鏘然哦詩聲清
曉落人間人仰視空浩浩遠孫白髮塵中老
初見姬翁禮樂新千九百年如電掃

又

瀛海日月淵蓬壺仙聖宅駕鶴一時遊海面日
夜窄人生蜉蝣耳一闕瓦甕中天地廣如許誰
能發其蒙丹書千卷藏一塵子能求之勿從人
晴窗趺坐春滿腹崑崙待得丹芝熟

又

曩者過洛陽宮闕侵雲起今者過洛陽蕭然但
荒壘銅駝臥深棘使我惻愴多可憐陌上人亦
復笑且歌世事茫茫幾成壞萬人看花身獨在
此却秋風吹野蒿古冢漸平新冢高

又

一瓢小如繭芳醪溢其中醉此一市人吾瓢故
無窮不言術神奇要是心廣大觴豆有德色笑
子乃爾隘岳陽樓中橫笛聲分明爲子說長生
金丹養成不自服度盡世人朝玉京

醉中登避俗臺

半醉行歌上古臺脫巾散髮謝氛埃但知禮豈
爲我設莫管客從何處來剡曲煙波菱蔓滑耶
溪風露藕花開老來世事渾成嬾一櫂幽尋未

擬回

立秋前三日夜坐庭中偶賦

絳闕清都侍宴還天風搖珮夜珊珊月輪桂滿
蟾初冷星渚橋空鵲尚閑一鶴每臨雲雨上幾
人虛老市朝間試將綠髮窺清鏡未愧僊姝玉

鍊顏

李文饒詩云河漢女玉鍊顏雲輶往往到人間

南堂臥觀月

河漢橫斜星宿稀臥看涼月入窗扉恍如北戍

梁州日睡覺清霜滿鐵衣

夜坐獨酌

玉宇沉沉夜向闌
跨空飛閣倚高寒
一壺清露來雲表
聊爲幽人洗肺肝

夜興

鶴瘦龜飢與靜宜
更闌徙倚竝清池
月當三五初盈夜
河直西南欲落時
浩浩醉歌群鷺起
翩翩孤影角巾欹
飛僊授我青瑤簡
索賦山中夜

興詩

月夜泛小舟湖中三更乃歸

落日愁思把釣鈎
南隣借得采菱舟
湖心月上明如畫
樹杪風生冷逼秋
壯歲功名慚汗馬
暮年心事許沙鷗
桐江一葉真奇策
莫爲兒曹作滯畱

無題

半醉凌風過月旁
水精宮殿桂花香
素娥定赴

瑤池宴侍女皆騎白鳳凰

又

出繭脩眉淡薄粧
丁東環佩立西廂
人間浪作新秋感
銀闕瓊樓夜夜涼

自山中夜行還湖上

火雲崢嶸水車鳴
行人畏熱不敢寧
蕭然一馬兩園丁
缺月照我影伶俜
荒鷄起早忽再唱
北斗低盡餘三星
扁舟菱歌正嫋嫋
叢冢鬼火何

熒熒迎人漸見鏡湖白
回首已失秦山青
道邊野店得小憩
一盃濁酒傾殘瓶
登盤絕愛畦韭美
輟釜未厭谿鱗腥
丈夫所要飽辛苦
文叔尙困蕪婁亭

大風

今年每熱不可支
白汗如雨愁纖絳
皇天悔禍爲一洗
秋風作意來如期
聲如怒濤撼坤軸
夜半折我南齋竹
幽人晨起得奇觀
鳳尾襪襪一

窗綠

新秋

天河漸近鵲橋時
一夜風吹斗柄移
金井梧桐元未覺
画廊蟋蟀已先知
青燈耿耿還相伴
白髮蕭蕭只自悲
猶勝玉門關外客
臥聽沙雁數歸期

月夕睡起獨吟有懷建康叅政

月上虛堂一榻橫
斷香漠漠欲三更
隔簾清露挾秋氣
繞樹驚鴉啼月明
只怪夢尋千里道
不知愁作幾重城
苦吟更恨知心少
西望金陵闕寄聲

病瘡後偶書

秋色已蕭然
曲肱清夜眠
孤燈欺病後
薄酒慰愁邊
藥物從人乞
文章畏客傳
惟應一蓬艇
湖海送凋年

秋日聞蟬

斷角斜陽觸處愁長亭搔首晚悠悠世間最是
蟬堪恨送盡行人更送秋

感秋

南山射虎漫英雄投老還鄉一秃翁世味掃除
和蠟盡生涯零落併錐空秋驚蠹葉凋殘綠病
著衰顏失舊紅笠澤松陵家世事一竿惟是待
西風

南軒

今年秋早涼七月已蕭然南軒修竹下枕簟終
日眠時將半殘夢聽此欲斷蟬推枕起太息四
序忽已遷功名墮渺莽衰疾方沈緜新月獨多
情窺窗澹娟娟

夜坐

虛堂夜無寐顧影歎吟屐露溼螢黏艸雲迷雁
落汀舊書開蠹簡濁酒倒殘鉞流落知無憾危
機實飽經

新涼書事

臥看鳥篆印蒼苔
窗戶涼生亦樂哉
鳴樹亂蟬催日落
拂堦飛葉報秋來
病餘已覺身如寄
醉裏却憐心尚孩
排日從今占幽事
折殘籬菊探溪梅

聞蟬思南鄭

管在南鄭時送客
襄谷口金羈叱撥駒
玉盃蒲萄酒醉歸
涉漾水鳴蟬在高柳
回鞭指秦中所
懼壯心負人生豈易料
蹭蹬十年後蟬聲悅如
管而我已白首逆胡亡
形具輿地淪陷久豈無
好少年笑取印如斗

憶管

憶管浮江發劔南
夕陽船尾每相銜
楠陰暗處尋高寺
荔子紅時宿下巖
高寺在瀘州下巖在雲安軍
硤口烹猪賽龍廟
沙頭伐鼓挂風帆
區區陳迹何由記
惟有征塵尚滿衫

病中夜興

病瘡秋來久未平
艸堂遙夜不勝清
疾風遞響驚林葉
列宿收芒避月明
百計不能逃白髮
一生堪笑役虛名
釣車且作桐江夢
莫念安西萬里行

秋夜

秋氣侵帷夢不成
一燈西壁翳還明
風高露井無桐葉
雨急煙村有雁聲
擊筑誰同燕市飲
賃

春方作會稽行
從來自許知何等
堪歎江湖白髮生

謝張時可通判贈詩編

聖朝中興六十年
君家文武何聯翩
先生劔履冠麟閣
後嗣簪橐陪甘泉
流傳到君愈卓犖
投我千篇皆傑作
未分玉帳萬貔貅
且擅詩人一丘壑
爾來士氣日靡靡
文章光燄伏不起
君今已似驥齋雲
更看他年鯤擊水

酬莊器之賢良見贈

先朝六科親策士事業功名何壯偉元祐復科
財數年所得四三俄復止中興忠賢形夢想屢
詔自是朝廷美紈袴小兒壞人事賜帛西歸困
嘲詆諸公相視歎才難一士臥雲誰挽起跨驢
過我時笑語晁董千年元不死高談亶亶有脉
絡橫得虛名吾可恥烏巾白紵塞路衢砥柱頽
波望吾子

舟過樊江憩民家具食

旅食何妨美蕨薇夕陽來叩野人扉蕭蕭短鬢
秋初冷寂寂空村歲薦饑蓼岸刺船驚雁起煙
陂吹笛喚牛歸詩情剩向窮途得蹭蹬人間未
必非

舟中作

斷岸飲鰕鯿清波跳噉喁紅橋未斜日白塢已
昏鐘詩律與年邁客愁如酒濃宋公題壁處橫

靄抱孤峰

稱心寺有宋考功詩而予所未到望之慨然

九月三日泛舟湖中作

兒童隨笑放翁狂
又向湖邊上野航
魚市人家滿斜日
菊花天氣近新霜
重重紅樹秋山晚
獵獵青帘社酒香
隣曲莫辭同一醉
十年客裏過

重陽

子自庚寅至辛丑始見九日于故山

霜天晚興

薄霜門巷不勝清
小立湖邊夕照明
紅顆帶芒

收晚稻綠苞和葉摘
新橙閑評琴價畱僧話靜
聽松聲領鶴行壯志消磨
渾欲盡西風莫動玉關情

九月六日小飲醒後作

短劔悲秦俠高歌憶楚狂
酒醒愁袞袞香冷夢
悵悵屋老垣衣茂池深石
髮長地爐須早計衰病怯
新霜

書悲

今日我復悲，堅臥腳踏壁。古來笑一死，何至爾
寂寂。秋風兩京道，上有胡馬跡。和戎壯士廢，憂
國清淚滴。關河入指顧，忠義勇折激。常恐埋山
丘，不得委鋒鏑。立功老無期，建議賤其職。賴有
墨成池，淋漓豁胸臆。

又

丈夫孰能窮，吐氣成虹霓。釀酒東海乾，累翹南
山齊。平生搴旗手，頭白歸扶犁。誰知蓬窗夢中
有鐵馬，嘶何當受詔。出函谷，封丸泥。築城天山
北，開府蕭關西。萬里掃塵煙，三邊無鼓鼙。此意
恐不遂，月明號荒雞。

中夜起出門，月露浩然歸。坐燈下有賦

月白萬瓦霜，露重四山雨。開門忽驚歎，秋色已
如許。去蜀如昨日，坐閱四寒暑。無才屏朝蹟，有
罪宜野處。平生萬里心，收斂臥環堵。朱顏逝不
留，白髮生幾縷。人言尺蠖屈，要有黃鵠舉。功名

非老事歲晚忍羈旅

新寒

病怯新寒欲不禁南窗擁褐夜悒悒江湖跌宕
送餘日書劒蕭條孤壯心杜曲新愁隨斷雁遼
陽遺恨入疎砧此懷擬向何人說賴有昏燈伴
苦吟

幽居

松陵甫里舊家風晚節何妨號放翁衰極睡魔

殊有力愁多酒聖欲無功一編蠹簡晴窗下數

捲一作疎籬落木中退士所圖惟一飽諸公好

爲致年豐

醉中步月湖上

閑餘時節早天氣已淒冷悠哉曳杖行樂此清
夜永霜風鏤病骨林月寫孤影新詩得復忘薄
酒吹易醒浮生役聲利百歲常鼎鼎清遊倘可
繼終老謝人境

東村

塘路東頭烏柏林
偶攜藤杖得幽尋
桃源阡陌自來往
輞口雲山無古今
遠浦過帆供極目
暮天橫雁入微吟
歸來更覺愁無那
剩放燈前酒椀深

西村

湖塘西去兩三家
杖履經行日欲斜
慙慙水紋生細縠
蜿蜿沙路臥修蛇
旱餘蟲鏤園蔬葉
寒淺蜂爭野菊花
老去郊居多樂事
脫巾未用歎蒼華

題張幾仲所藏醉道士圖

千載風流賀季真
畫圖髣髴見精神
邈來祭酒皆巫祝
眼底難逢此輩人

又

臥聽牀頭壓酒聲
起行籬下摘新橙
一尊久欠敲門客
風味何人似麴生

山園艸間菊數枝開席地獨酌

屋東菊畦蔓艸荒瘦枝出艸三尺長碎金狼藉
不堪摘掃地爲渠持一觴日斜大醉叫墮憤野
花村酒何曾擇君不見詩人跌宕例如此蒼耳
林中畱太白

湖村月夕

客路風塵化素衣閑愁冉冉鬢成絲平生不負
月明處神女廟前聞竹枝

又

錦城曾醉六重陽回首秋風每斷腸最憶銅壺
門外路滿街歌吹月如霜

又

金尊翠杓猶能醉狐帽貂裘不怕寒安得驪驅
三萬疋月中鼓吹渡桑乾

又

誰持綠酒醉幽人鶴氅筇枝發興新今夜湖邊

有奇事青山缺處涌水輪

卯酒徑醉走筆

少時憑酒刺狂顛摘宿緣雲欲上天才盡氣衰
空自笑一盃纔放已頽然

山中望籬東楓樹有懷成都

五門西角紅樓下一樹丹楓馬上看回首舊遊
如夢裏西風吹淚倚闌干

紅樓蜀工所作
在五門西南隅

算秋有懷王四季夷

鏡湖西畔小茅茨紅葉黃花秋晚時天闊素書
無雁寄夜闌清夢有燈知功名蹭蹬初何憾朋
舊乖離未免悲遙想扁舟五湖口阻風中酒又
成詩

幽居

老子堪哈老轉癡幽居喜及早寒時芋魁加糝
香出屋菰首芼羹甘若飴

菰首芼
白也

顛倒朱黃息

誤字縱橫黑白戲拈棋此懷敢向今人說骨朽

諸賢却見知

有懷

筇杖斜斜倚素屏北窗遙夜冷如水何時得與
平生友作字觀書共一燈

對酒

醫從和扁來未著却老方吾晚乃得之莫如麴
蘖良一盃臉生春況復累十觴坐令桃花紅換
盡霜葉黃看鏡喜欲舞追還少年狂但恨寶釵

樓胡沙隔咸陽芳華雖無恙萬里遙相望

寶釵樓咸

陽旗亭也芳華樓在咸都合江園

感歎徑投枕悲歡兩茫茫

初冬

鉏犁滿野及冬耕時聽兒童叱犢聲逐客固宜
安散地閑民何幸樂昇平雪花漫漫蕎將熟綠
葉離離薺可烹飯飽身閑書有課西窗來趁夕
陽明

晝寢夢一客相過若有舊者夷粹可愛既

覺作絕句記之

夢中何許得嘉賓對影胡牀岸幅巾石鼎烹茶
火煨栗主人坦率客情真

書歎

多病文園苦滯留時時浩歎攬貂裘縱無夜雨
何曾寐不爲秋風也自愁今歲頓驚絲鬢改此
生難繼錦江遊欲談舊事無人共日落鴉歸又
倚樓

督下麥雨中夜歸

細雨闇村墟青煙溼廬舍兩兩犢並行陣陣鴉
續下紅稠水際蓼黃落屋邊柘力作不知勞歸
路忽已夜犬吠闖籬隙燈光出門罅豈惟露沾
衣乃有泥沒胯誰憐甫里翁白首學耕稼未言
得一飽此段已可畫

霜曉肩輿行湖上

去去出柴關巾車古陌間晨霜染丹葉宿霧淡

青山登覽身猶健歌呼酒每慳殷勤鏡湖水聊
爲照衰顏

杜門

寂寞山深處崢嶸歲暮時燒灰除菜蝗

讀如橫
字去聲

送芋謝牛醫篋水晨澆藥燈窗夜覆棋杜門君
勿怪遲算少新知

橫塘

橫塘南北埭西東拄杖飄然樂未窮農事漸興

人滿野霜寒初重雁橫空參差樓閣高城上寂
歷村墟細雨中新買一蓑苔樣綠此生端欲伴

漁翁

是日偶買
蓑衣甚妙

書事寄良長老

素屏烏几野人廬山色蒼寒十月初雨足四郊
耕欲遍霜高萬木脫無餘一尊窗下澆愁酒數
卷牀頭引睡書寄語住菴劉老宿不應隨俗向
人疎

食齋十韻

舍東種早韭生計似庾郎舍西種小菓戲學蠶
叢鄉惟薺天所賜青青被陵岡珍美屏鹽酪耿
介凌雪霜采擷無闕日烹飪有祕方候火地爐
煖加糝沙鉢香尙嫌雜筍蕨而況汗膏梁炊秬
及鬻麩得此生輝光吾饒實易足捫腹喜欲狂
一掃萬錢食終老稽山旁

冬煖頗有春意追憶成都嘗遊悵然有作
濯錦江邊罨畫樓金鞭曾護犢車遊紛紛萬事
反乎覆落落一身淹此畱刻燭賦詩空入夢傾
家釀酒不供愁探春歌吹應如昨亦有匆儕記
我不

忽忽

忽忽復悠悠頻驚歲月適若無船貯酒將奈斛
量愁列炬燕宮夜

成都故蜀時燕王宮今屬張氏海棠爲一城之冠

呼

鷹漢廟秋

南鄭漢高帝廟子從戎時多獵其下

周年莫多感夢境

付滄洲

醉書山亭壁

物外陽狂五百年扁舟又繫鏡湖邊飛舁未抵
簪花樂遊宦何如聽雨眠綠蟻灑奠芳醞熟黑
蛟落紙艸書顛忽拈玉笛橫吹去說與傍人是

地仙

十月旦日至近村

鴨腳葉黃烏臼丹艸煙小店風雨寒荒年人家

鷄黍迨芋羹豆飯供時節村童上牛踏牛鼻吹
笛聲長入雲際今年雖飢却少安縣吏不來官
放稅

蔬圃絕句

擬種蕪菁已是遲晚菘早韭恰當時老夫要作
齋盂備乞得青秧趁雨移

又

百錢新買綠蓑衣不羨黃金帶十圍枯柳坡頭

風雨急憑誰画我荷鉏歸

又

青青蔬甲早寒天想像登盤已墮涎更欲鉏畦
向東去園丁來報竹行鞭

又

瓦壘浮屠盆作池池邊紅蓼兩三枝貪看忘却
還家飯恰似兒童放學時

又

小橋只在槿籬東溝水穿籬曲折通煙雨空濛
最堪樂從教打濕敗天公

又

衝雨衝風不怕寒晚來日出短蓑乾遶畦拾塊
眞爲樂莫作陶公運甓看

又

嬾隨年少愛花狂且伴群兒鬪草忙行遍山南
山北路歸時新月浸橫塘

冬夜不寐至四鼓起作此詩

秦吳萬里車轍遍重到故鄉如隔生歲晚酒邊
身老大夜闌枕畔書縱橫殘燈無焰穴鼠出稿
葉有聲村犬行八十將軍能滅虜白頭吾欲事

功名

高麗有識云當有八十老將平之李英公實膺是識

蔬圃

山翁老學圃自笑一何愚
磽瘠財三畝勤劬賴兩奴
正方畦畫局微潤土融酥
翦闢荆榛盡鉏

犁磊塊無過溝橫略約聚
甃起浮屠

拾園中瓦礫作小塔

隙地成瓜援餘功及芋區
如絲細生菜似鴨爛蒸壺
此事今真辦東歸不爲鱸

夢中作

拓地移屯過酒泉第功圖像上凌煙
事權皂纛兼黃鉞富賢金貂映玉蟬
油築毬場飛騾裏錦裁步障貯嬋娟
擁塗士女千層看應記新豐舊少年

村居酒熟偶無肉食煮菜羹飲酒

歌鳳偃偃類楚狂
良犧齷齷笑蒙莊
著書幸可俟
後世對客從
噴臥大牀三畝青
蔬了盤筋一缸濁
酒具盃觴丈夫窮
達皆常事富貴何妨食

萬羊

李文饒嘗遇異人云平生當食萬羊

辛丑十月諸公餽酒偶及百榼戲題長句

喜事諸公尙見存
尺書時到爵羅門
已邀風月成三友
聊對湖山倒百尊
醉墨淋漓動高壁
狂

歌悲壯落前村
悠然睡起西窗黑
一點青燈又斷魂

灌園

少攜一劔行天下
晚落空村學灌園
交舊凋零身老病
輪囷肝膽與誰論

幽居

破屋頽垣霧雨昏
幽人終日掩柴門
因鋤衰艸通南阜
偶洗叢篁見北村
裋褐奇溫等狐腋
寒

蔬脆美敵熊蹯冬來酒戶微增舊萬事應須付
一算

日出入行

吾聞開闔來白日行長空扶桑誰曾到崦嵫不
可窮但見旦旦升天東但見莫莫入地中使我
倏忽成老翁鏡裏衰鬢成霜蓬我願一日一百
二十刻我願一生一千二百歲四海諸公常在
座綠酒金尊終日醉高樓錦繡中天開樂作画
鼓如春雷勸爾白日無西頽常行九十萬里胡
爲哉

午醉徑睡比覺已甲夜矣

自我歸城西已復再見冬雖未挂衣冠其實則
老農好事或餉酒石室酒最醲一醉輒至莫臥
聞湖寺鐘心安病自除衾煖夢欲重化作孤鶴
去雲崦巢長松

簡蘇訓直判院莊器之賢良

行盡天涯白髮新
槿籬竹屋著閑身
讀書達旦
失衰病食菜終年安
賤貧正使寄聲無薛孟
不妨同里有荀陳
從今杖履時相過
花柳村村次第春

醉眠曲

老夫算年少嗜好但願無事終日眠
斜風急雨勢方橫
低窗小閣且幽妍
爐紅酒綠足閑暇
橙黃蟹紫窮芳鮮
一盃一盃意忽倦
徑撥紙帳投蠻
鬣鼻間鼾聲欲撼屋
手中書冊正墮前
不知校事白中聖
那憺門生嘲腹便
讀書萬卷晚乃悟
妙哉此訣祕不傳
是醒是醉人莫測
非夢非覺中了然
駸駸百年露電速
鼎鼎一世膏火煎
金丹九轉顧未暇
且向人間稱睡僊

冬夜

歲晚風霜惡將如遙夜何
殘燈挑更暗寒犬吠偏多
支枕成孤詠懷人起浩歌
梅花不解飲誰

伴醉顏酡

又

忽忽流年恨悠悠獨夜情
向人燈欲語遶舍露
如傾夢每輕千里愁
偏怯五更殷勤桑落酒
好爲解餘醒

夜話贈華師

少喜洛陽俠今成衡嶽僧
溪培地爐火明照佛
龕燈衰鬢晨霜白
禪心古澗澄猶能遍參在爲

我買行滕

臥病書懷

袞袞年光挽不畱
卽今已白五分頭
病中對酒猶思醉夢裏
逢人亦說愁
青海戰雲臨賊壘
黑山飛雪灑貂裘
丈夫有志終難料
憔悴漁村死卽休

病中絕句

酒錢自管從人乞
詩思出門何處無
青筠織蓬

管織席此生端欲老江湖

又

半脫貂裘雪滿鞍慣將豪舉壓儒酸病來意氣
渾非昨一炷香煙帳底看

又

酒味醺人睡味濃午時高枕到昏鐘經旬不見
西窗日世上應無嬾似儂

又

造物今年憫我勞微痾得遂閉門高黃紬被暖
青氈穩不怕郊原雪意豪

又

青熒猶有佛燈明點滴時聞竹露聲欲睡不成
還起坐麗譙風順報三更

又

少時談舌挾風雷病後逢人口嬾開安得東臯
隱君子相看無語只銜盃

蔬園雜詠

菘

雨送寒聲滿背蓬如今真是荷鋤翁可憐遇事
常遲鈍九月區區種晚菘

蕪菁

往日蕪菁不到吳如今幽圃手親鉏憑誰爲向
曹瞞道徹底無能合種蔬

葱

瓦盆麥飯伴隣翁黃菌青蔬放筋空一事尙非
貧賤分芎藭僭用大官葱

鄉圃有大官葱
比常葱差小

巢

昏昏霧雨暗衡茅兒女隨宜治酒殺使覺此身
如在蜀一盤籠餅是晚巢

蜀中雜蔬肉作巢餽
頭佳甚唐人正謂餽

頭爲
籠餅

芋

陸生晝臥腹便便歎息何時食萬錢莫謂蹲鴟

少風味賴渠撐拄過凶年

卯飲醉臥枕上有賦

天寒朝泥酒熟醉臥蓬窗雨勢平吞野風聲倒
卷江漁蓑傲孤腋菜把美羊腔常笑潮陽守南
征畏下瀧

又

一榻臥空舍四山風雨聲病多書倚閣寒極酒
施行孤憤歌彌放端憂涕易橫群胡滿河洛志
士若爲情

劔南詩彙目錄

卷第十四

十月二十六日夜夢行南鄭道中既覺恍
然攬筆作此詩時且五鼓矣 雨晴步至
山亭欲遂遊東村不果 喜晴 對食
不睡 睡 憶荊州舊遊 五雲門晚歸
冬暖 歲暮 雪夜首二 禪室 炭盡
地爐危坐至夜分戲作 夜汲井水煮茶

雪後尋梅首十 寄朱元晦提舉 村居

冬日 寓天慶觀有林使君年八十七方

燒丹云一黍米大可化汞一斤爲黃金梅

道人年八十五善醫 宿天慶道院 贈

林使君首二 冬夜 宴坐 夢中作 夜

寒遣興 雪後出遊戲作 歲暮 記夢

立春後三日作 短景 風雨旬日春

後始晴 乍晴風日已和泛舟至扶桑埭

徘徊西村久之 晨起南窗晴日可夢戲

作 攜屨尊醉梅花下 城西接待院後

竹下作 夜飲示坐中 夜從父老飲酒

村店作 壬寅新春 幽居春夜 讀書

晨起 筓在成都正月七日聖壽寺麻

子市初春行樂處也偶晨興聞鄰村守麻

有感 獨孤生策字景略河中人工文善

射喜擊劍一世奇士也有自峽中來者言

其死于忠涪間感涕賦詩 早春對酒感
懷 曉出湖邊摘野蔬 游飢之餘復苦
久雨感歎有作 春晴泛舟 攜一尊尋
春湖上 晦前二日夜欲曉自湖中歸對
殘月獨酌 春曉有感 夜觀秦蜀地圖
久雨小飲 有懷獨孤景略 春雨復
寒遣懷 春遊 海棠 寄仗錫平老僧
用其聽琴詩韻 五月十四日夜夢一僧

持詩編過予有暴雨詩語頗壯予欣然和
之聯巨軸欲書未落筆而覺追作此篇

新塘觀月 觀張提刑周鼎 口占送巖

師還大梅護聖 八月十四日夜湖山觀
月 十五夜月色皎然有頃雲生遂不復
見 夜聞秋風感懷 玉局歌 醉歌

閉門 艸書歌 野飲夜歸戲作 夜泊

水村 幽居 與隣翁登山亭 無題

遣興 夢宴客大樓上命筆作詩既覺續

成之 新塘夜歸 古風三首 累日無酒

亦不肉食戲作此詩 讀書 自妙相歸

將至杜浦堰舟中作 秋興 哀北 琵琶

琵琶 三江舟中大醉作 短歌行 悲

步至西村 題接待院壁 九月晦日作

四首 陶山遇雪覺林遷菴主見招不果往

哭王季夷 樊江晚泊 蛾眉村旅舍

作 蛾江野飲贈劉道士 丈亭遇老人

長眉及肩欲就之語忽已張帆吹笛而去

寓舍聞禽聲 春晚 題瑩師釣臺圖

仗錫平老具舟車迎前天衣印老印悉

遣還策杖訪之作絕句奉送兼簡平二首

湖邊曉行 久雨杜門遣懷 梅雨陂澤

皆滿 夜意二首 幽事 對酒戲作 夏

雨 軍中雜歌八首 夏夜舟中聞水鳥聲

甚哀若曰姑惡感而作詩 暮歸舟中二首

夏夜四首 北渚 夏日五鼓起戲書

雨夜 小立 徙倚 居山

劔南詩彙目錄卷十四終

劔南詩彙卷第十四

十月二十六日夜夢行南鄭道中既覺恍然攬筆作此詩時且五鼓矣

孤雲兩角不可行望雲九井不可渡蟠冢之山高插天漢水滔滔日東去高皇試劔石爲分艸沒苔封猶故處將壇坡陀過千載中野疑有神物護我時在幕府來往無晨暮夜宿沔陽驛朝飯長木舖雪中痛飲百榼空蹴踏山林伐狐兔

耽耽北山虎食人不知數孤兒寡婦讎不報日
落風生行旅懼我聞投袂起大噀聞百步奮戈
直前虎人立吼裂蒼崖血如注從騎三十皆秦
人面青氣奪空相顧國家未發渡遼師落魄人
間傍行路對花把酒學醞藉空辱諸公誦詩句
卽今衰病臥在牀振臂猶思備征戍南人孰謂
不知兵咎者亡秦楚三戶

雨晴步至山亭欲遂遊東村不果

村陋垣屋頽歲晚風雨橫泥塗絕還往殮粥養
衰病藥囊雜書卷白髮滿清鏡一榻臥兼旬不
踐牆下徑烏鵲忽報晴霜重節候正厭供凍硯
愁頗動蠟屐興山楹快遠眺松吹愜幽聽地瘦
藥苗稀葉脫木枝勁東村未爲遠腳力不濟勝
三歎入荆扉跣趺學僧定

喜晴

衡門病臥動經旬歲晚況堪風雨頻晴日一窗

殊慰眼清霜萬瓦更宜人開書頓失昏花墜試
茗初看白乳新南埭東陂從此好剩將紅藥插
烏巾

對食

人苦不知足貪欲浩無窮豹胎日饜飫萍蘢却
時供飲豚以人乳萬藥亦改容方其未遇時鵝
禽動英雄哀哉王相國計墮飯後鐘所以賢達
士一視約與豐我亦蹭蹬者羈遊半生中木槃
飽藜莧美與玉食同口腹嗟幾何曾是役我躬
放箸一笑粲賦詩曉愚公

不睡

城遠不聞鐘鼓傳孤村風雨夜騷然但悲綠酒
欺多病敢恨青燈笑不眠水冷硯蟾初薄凍火
殘香鴨尚微煙虛窗忽報東方白且復緡經繡
佛前

睡

紙帳青氊暖有餘昏昏信腳到華胥凍醪有力
勤推挽春茗無端苦破除半熟擁衾聞急雨乍
回推枕覓殘書箇中得意君知否萬戶一作生
封未必如

憶荊州舊遊

書劔萬里行翩翩度關登隴常慨然射麋雲夢
最樂事至今曠快思楚天落筆千言不加點班
荆百榼命割鮮有時憑陵呼五白笑人辛苦作
太玄君不見將軍管忍跨下辱京兆晚爲人所
憐功名富賢自古只如此不如馳射樂飲終殘
年

五雲門晚歸

高城帶遠林落日動寒砧行客自朝暮青山無
古今衰遲慙逸氣憂患足危心溪迳滯歸艇何
時春水深

冬暖

今年歲暮無風雪塵土肺肝生客熱經旬止酒
臥空齋吳蠚秦酥不容設日憂疾疫被齊民更
畏螟蝗殘宿麥濃霜薄霰不可得太息何時見
三白老夫壯氣橫九州坐想提兵西海頭萬騎
吹笳行雪野玉花亂點黑貂裘

歲暮

吳中寒氣薄歲暮亦和風移樹木村北尋僧渡
港東露葵收半綠霜稻杵微紅一飽無餘念吾

生正不窮

雪夜

書卷紛紛雜藥囊擁衾時炷海南香衰遲自笑
壯心在喜聽北風吹雪牀

又

村路雪泥人斷行佛燈一點絳紗明山前栖鶻
歸何晚磔磔風傳勁翮聲

禪室

早誇劇飲無勅敵晚覺安禪有宿因赫赫心光
誰障礙緜緜鼻息自輕勻蒲龕紙帳藏身穩香
椀燈籠作夢新勿爲霜寒憶溫暖少林立雪彼
何人

炭盡地爐危坐至夜分戲作

短景窗易黑長宵爐少紅直令貧到骨未害氣
如虹志士元謀道儒生敢諱窮霜嚴雞喔喔但
愧讀書功

夜汲井水煮茶

病起罷觀書袖手清夜永四隣悄無語燈火正
淒冷山童亦睡熟汲水自煎茗鏘然轆轤聲百
尺鳴古井肺腑凜清寒毛骨亦蘇省歸來月滿
廊憺踏疎梅影

雪後尋梅偶得絕句十首

雪晴蕭散曳筇枝小塢尋梅正及時臨水登山
一年恨十分說似要渠知

又

青帝宮中第一妃
寶香熏徹素綃衣
定知謫墮不容久
萬斛玉塵來聘歸

橘中四叟博輸玉塵九斛

又

銀燭檀槽醉海棠
老來非復錦城狂
疎梅對影太清淡
爲拂焦桐彈履霜

又

雪裏芬芳亦偶然
世人便謂占春前
飽知桃李

俗到骨何至與渠爭著鞭

又

雙鵲飛來噪午晴
一枝梅影向窗橫
幽人宿醉閑欹枕
不待聞香已解醒

又

竹籬曲曲水邊村
月澹霜清欲斷魂
商畧前身是飛燕
玉肌無粟立黃昏

又

相逢未易可疎親不是登牆宋玉隣
林下風標許誰比直須江左謝夫人

又

春近山中日漸長重重雲崦闕幽香
神仙不飲塵凡酒素面看人醉後狂

又

藥殿仙姝下界遊偶來稅駕剡溪頭
君看月裏橫枝影盡是蒼龍與翠虬

又

清霜夜夜奈寒何賴是知心有素娥
枉道疎枝不禁笑主人歡意自無多

寄朱元晦提舉

市聚蕭條極村墟凍餒稠勸分無積粟
告糴未通流民望甚飢渴公行胡滯留
徵科得寬否尙及麥禾秋

村居冬日

溪轉樵風路林藏禹會村簷水垂玉墀山月涌
金盆畏客常稱疾耽書不出門尚嫌城市近更
擬卜雲根

寓天慶觀有林使君年八十七方燒丹云
一黍米大可化汞一斤爲黃金梅道人年
八十五善醫

世路崎嶇久已忘道腴禔悅度年光故攜開士
降龍鉢來寄高人夢蝶牀只道燒金有劉向不
知賣藥是韓康日長坐覺非塵世庭檜花開蜂
蜜香

宿天慶道院

衰病厭多事清遊諧夙心夜溪樓突兀歲晚柏
蕭森汲井洗靈藥焚香橫素琴身閑境自勝城
市亦山林

贈林使君

使君物外閱年華厭聽奴兵早算衙雙履踏雲

呼野渡一瓢邀月醉梅花紅爐點汞閑消日烏
几緡經不憶家我亦岷山有歸處約君同載泝
三巴

又

松檜陰中百步廊我來剝啄叩琳房魚腸寶劍
餘蛟血鴉嘴金鋤帶藥香弱水蓬萊風浩浩赤
明龍漢劫茫茫何妨付與神丹訣教跨青鸞到
帝鄉

冬夜

窮巷蕭條早閉門北窗燈火夜昏昏老于俗事
不挂眼愁憶故人空斷魂急雪打窗飛礫細狂
風卷野怒濤翻七牀紙帳寒無寐彊把村醪不
厭渾

宴坐

身寄窮山裏心安一事無新傳小止觀漸解半
跏趺急雪鳴窗紙孤燈耿地爐老來元少睡日

復兀枯株

夢中作

路平沙軟淨無泥香艸丰茸沒馬蹄擣紙聲中
春日晚恍然重到浣花溪

夜寒遣興

道人頽然寄北窗愁魔百萬一笑降夜闌酒渴
有奇夢吞楚七澤吳三江孤村蕭蕭雨解雪寒
犬噤臥飢鼠齧擁衾危坐待天明白首忍窮心

似鐵

雪後出遊戲作

小巘平岡雪陸離幽人又賦探春詩典琴沽酒
元非俗著屐觀碑又一奇大度乾坤容落托多
情風月笑衰遲吾生也似梅花淡燕未歸來蝶
不知

歲暮

半生浪走跨秦吳白首還如筮仕初凍芋濁醪

邀里巷昏煙溼雪暗郊墟窮空敢恨寒無褐憂
患元因出有車笑掩陳編聊自慰古來富貴羨
樵漁

記夢

世事紛紛觸眼新何由常作夢中身遠遊萬里
纔移刻豪飲千場不忤人鼓吹滿城壺日晚鷺
花如海洞天春是間可老君知否莫信人言想
與因

立春後三日作

拂面毵毵巷柳黃穿簾細細野梅香春回江表
常年早日向山中特地長千古事終輸釣艇一
毫憂不到禪房綠篔掩罷惟須睡高枕看人舉
世忙

短景

短景迫窮冬日月如鳥過衡門窘風雨衰病不
可那疎疎屋茅漏獵獵窗紙破鼠豪冒燈出人

倦俺屏臥中都舊朋儕零落今幾箇弄筆欲遣
愁孤吟誰與和

風雨旬日春後始晴

風吹過雁作斜行雨洗殘梅只淡香南浦春回
波漸綠東菴睡起日初長詩囊屬豪慚新思博
齒爭豪悔咎狂莫向晴窗對明鏡朱顏減盡鬢
蒼蒼

乍晴風日已和泛舟至扶桑埭徘徊西村

久之

十日風雨今日晴衰病忽減息閑行接籬一幅
煙霧薄舴艋八尺鳧鷖輕亭亭孤堦遠天碧曲
曲深巷斜陽明數家茅屋門晝掩不聞人聲聞
碓聲身似龐公不入城東阡南陌餞餘生新年
倘有豐年喜買酒漁村看太平

晨起南窗晴日可愛戲作一絕

蕭散山林一幅巾天公乞與自由身茅簷不似

宮塼暖日滿南窗也可人

攜瘦筇醉梅花下

楠癭作筇容斗許擁腫輪困元媚嫵肯從放翁
來住山誰云置身不得所山房寂寞久不飲作
意欲就梅花語我病鮮歡花更甚日暮淒涼泣
殘雨人生萬事雲茫茫一醉常恐俗物妨正須
仙人冰雪膚來伴老子鐵石腸花前起舞花底
臥花影漸東山月墮瘦筇未竭狂未休笑起題

詩識吾過

城西接待院後竹下作

水邊小丘因古城上有巨竹數百箇一徑蛇蟠
不容腳平處乃可十客坐裊裊共看風枝舞
菽菽時聽春籟墮古佛不粧香火冷瘦僧如
膾袈裟破門前西去長安路日夜舳舻街尾
過老夫本乏臺省姿且就清陰曲肱臥

夜飲示坐中

胡雁叫群寒夜長崢嶸北斗天中央達人觀
眇萬物烈士壯心懷四方縱酒長鯨渴吞海艸
書瘦蔓飽經霜付君詩卷好收拾後五百年無
此狂

夜從父老飲酒村店作

旗亭濁酒典衣沽解舍老翁折簡呼夜中醉歸
騎艸驢嵬昂不須宗武扶丹徒布衣有籌略漁
陽突騎莫枝梧牀頭金盡何足道肝膽輪囷橫

九區

壬寅新春

半生常是道邊人歲晚初收事外身濁酒一樽
聊永日小園三畝亦新春尙無枕寄邯鄲夢那
有衣沾京洛塵門外煙波三百里鏡湖三百里此心
惟與白鷗親

幽居春夜

算景催人雪鬢雙十年始復反吾邦雲逢佳月

每避舍酒壓閑愁如受降三弄笛聲初到枕一枝梅影正橫窗要知清夢遊何許不釣桐江卽錦江

讀書

放翁白首歸剡曲寂莫衡門書滿屋藜羹麥飯冷不嘗要足平生五車讀按讎心苦謹塗乙吟諷聲悲雜歌哭三蒼奇字已殺青九譯旁行方著錄有時達旦不滅燈急雪打窗聞簌簌倘年七十尙一紀墜典斷編真可續客來不怕笑書癡終勝牙籤新未觸

晨起

小雨溼清曉新鷺啼早春年光驚病眼節物屬閑身巴峽東連楚嶓山北控秦遠遊端可繼敢恨素衣塵

昔在成都正月七日聖壽寺麻子市初春行樂處也偶晨興聞鄰村守麻有感

樂事新年憶錦城城南麻市試春行如今老病
茅簷底臥聽兒童嚇鱗雀聲

獨孤生策字景略河中人工文善射喜擊
劍一世奇士也有自峽中來者言其死下

忠涪間感涕賦詩

憶昨騎驢入蜀關旗亭邂逅一開顏氣鍾太華
中條秀文在先秦兩漢間寶劍憑誰占斗氣名
駒竟失養天閑身今老病投空谷回首東風涕

自潛

早春對酒感懷

探花疇咎喜春回老大空驚節物催芳瓮旋開
新壓酒好枝猶把未殘梅書生歲惡甘藜莧志
士時平死艸萊初聞獨孤策死欲豁孤懷誰晤語夜彈

長劍有餘哀

曉出湖邊摘野蔬

浩歌振履出茅堂翠蔓丹芽采擷忙且勝堆盤

僕首菑未言滿斛進檳榔行迎風露衣巾爽淨
洗羶葷七筋香著句誇張君勿笑故人方厭太
官羊

游饑之餘復苦久雨感歎有作

道傍襁負去何之積雨仍愁麥不支爲國憂民
空激烈殺身報主已差池屬饜糠粃猶多愧徒
倚柴荆只自悲十載西游無惡歲羨他岷下足

蹲鴟

子在蜀幾十年未嘗逢歲歉也

春晴泛舟

兒童莫笑是陳人湖海春回發興新雷動風行

驚蟄戶

前一日聞雷

天開地闢轉鴻鈞鱗鱗江色漲

石黛嫋嫋柳絲搖麴塵欲上蘭亭却回棹笑談
終覺愧清真

攜一尊尋春湖上

酒裏真須勉策勳百年何啻是中分花梢已點
猩猩血水面初生瑟瑟紋一世極知均腐骨萬

鍾元自付浮雲浩歌不恨無人和但惜驚飛白鷺群

晦前二日夜欲曉自湖上歸對殘月獨酌
小閣對寒蟾山算盡更添方看一輪滿又歎兩
頭纖脉脉離雲嶠娟娟傷畫簷五更清露下不
恨客衣霑

春曉有感

山杏溪桃續續開緩歌誰與共傳孟年來只有
追歡夢百舌無情又喚回

夜觀秦蜀地圖

往者行省臨秦中我亦急服叨從戎散關摩雲
俯賊壘清渭如帶陳軍容高旌縹緲嚴玉帳畫
角悲壯傳霜風咸陽不勞三日到幽州正可一
炬空意氣已無雞鹿塞單于合入蒲萄宮燈前
此圖忽到眼白首流落悲塗窮吾皇英武同世
祖諸將行策雲臺功孤臣昧死欲自薦君門萬

里無由通正令選壯不爲用筆墨尙可輸微忠
何當勒銘紀北伐更擬艸奏祈東封

久雨小飲

春來日日風雨橫老去時時衰病攻門外回塘
初漲綠簷前槁面斃生紅未除豪氣每自笑欲
吐狂言無與同安得并刀剪簷溜憑高萬里望
晴空

有懷獨孤景略

富貴世間元不乏此君才大獨難成喑鳴意氣
千人廢嫺雅風流一座傾韜畧豈勞平大敵文
章亦足主齊盟荒野水涪州路腸斷西風薤
露聲

春雨復寒遣懷

去日堂堂挽不回新年又傷鬢邊來雨聲欲作
海棠崇書卷只爲春睡媒村舍瘦蔬供薄酒地
爐微火伴殘灰浩然忽起金鞭興漾水嶓山安

枉哉

春遊

平生樂行役不耐常閉戶今朝新雨霽一笑整
巾屨青猿導幽蹊春艸伴微步雖云尊酒薄蔬
果亦畧具辛夷發高枝楊柳吹墮絮行歌不知
遠落日呼野渡橫林已棲鴉淺水猶立鷺歸來
意頗豪古錦有新句

海棠

今日春已半風雨停出遊餅中海棠花數酌相
獻酬尙想錦官城花時樂事稠金鞭過南市紅
燭宴西樓千林誇盛麗一枝賞纖柔狂吟恨未
工爛醉死卽休那知茅簷底白髮見花愁花亦
如病姝掩抑向客羞尤物終動人要非桃杏儔
東風萬里恨浩蕩不可收

寄仗錫平老俗用其聽琴詩韻

放翁久矣無此客闔戶兒童皆動色寒泉不食

人喝死素縷銀瓶我心惻千金易得一士難晚
途淹泊眼愈寒豈知一旦乃見子傑語豪筆無
僧酸門前清溪天作底細細風吹縠紋起倚欄
一笑誰得知愛子數詩如此水江湖安得常相
從浩歌相踏臥短蓬功名渠自有人了畱我鏡
中雙頰紅

五月十四日夜夢一僧持詩編過予有暴
雨詩語頗壯子欣然和之聯巨軸欲書未

落筆而覺追作此篇

黑雲塞空萬馬屯轉盼白雨如傾盆狂風疾雷
撼乾坤壯哉澗壑相吐吞老龍騰拏下天闢鱗
間火作電腳犇巨松拔起千年根浮槎斷梗何
足論我詩欲成醉墨翻安得此雨洗中原長河
衮衮來崑崙鶴鵠下看黃流渾

新塘觀月

攜酒新塘南中夜欲忘歸貪看月滿湖不覺露

溼衣天高鶴聲厲風急螢火稀此夕不一醉行
歎破鏡飛漁家亦喜事未掩水際扉皇天有公
道處處皆清暉

觀張提刑周鼎

他人富貴堆金璧曼舞妖歌誇坐客清心好古
誰似公漢庭諸人推博識一朝得此周廟器買
不論貨空四壁苔痕洗盡銅色見坐臥摩挲欲
忘食蠻童捧出客爲起恍如清廟陪劔履腹中
奇字粲蟲魚嶧山之碑那得比知公原是功名
人看罷握手同悲辛鎬京洛邑在何許漠漠秋
風吹虜塵

口占送巖師還大梅護聖

放翁白髮已蕭然黃紙新除玉局仙寄語山頭
老師叔欲分茅舍度殘年

常禪師偈云夏移茅舍入深居謂護聖也

八月十四日夜湖山觀月

長空露洗玻璃碧紫金之盤徑三尺忽看擘地

出人間桂樹扶疎如淡墨攬衣獨立鏡湖邊風
露萬頃秋渺然開帆詎必入東海騎鯨便可追
飛仙冰壺玉瀼侵骨冷醉看孤鸞舞清影夜闌
歸舍人已眠却倩天風爲吹醒

十五夜月色皎然有頃雲生遂不復見

北望但空濶南望橫群山青天無翳行素月寥
寥永夜非人間九醞漿成老仙醉六銖衣薄天
宮寒翠眉真人不火食小立環佩風珊珊橫空
邀我海山去縹緲萬里驂青鸞相攜一笑在雲
表徐看玉宇飛金盤

夜聞秋風感懷

西風一夜號庭樹起攬戎衣淚濺襟殘角聲催
關月墮斷鴻影隔寒雲深數篇零落從軍作一
寸淒涼報國心莫倚壯圖思富貴英豪何限死
山林

玉局歌

玉局祠官殊不惡
銜如水清俸如鶴
酒壺釣具常自隨
五尺新蓬織青筠
倚樓看鏡待功名
半世兒癡晚方覺
何如醉裏泛桐江
長笛一聲吹月落
蔣公新冢石馬高
謝公飛旄凌秋濤
微霜莫遣侵鬢綠
從今二十四考書
玉局

醉歌

往時一醉論斗石
坐人飲水不能敵
橫戈擊劔未足豪
落筆縱橫風雨疾
雪中會獵南山下
清

曉嶙峋玉千尺道邊狐兔何曾問
馳過西村尋虎跡貂裘半脫馬如龍
舉鞭指麾氣吐虹不須分弓守近塞
傳檄可使腥羶空小胡連誅六十載
信信獅子勢已窮聖朝好生貸孥戮還爾舊穴遼天東

閉門

寂寂雲山千萬重
閉門不忍歎塗窮
高秋酒熟雪浮瓮
中夜劔歸雷吼空
近報犬羊逃漠北
豈

無貔虎定關中君王猶記孤忠在安得英豪共
此功

艸書歌

傾家釀酒三千石閑愁萬斛酒不敵今朝醉眼
爛巖電提筆四顧天地窄忽然揮掃不自知風
雲入懷天借力神龍戰野昏霧腥奇鬼摧山太
陰黑此時驅盡胸中愁槌牀大叫狂墮幘吳牋
蜀素不快人付與高堂三丈壁

野飲夜歸戲作

青海天山戰未鏖卽今塵暗舊戎袍風高乍覺
弓聲勁霜冷初增酒興豪未辦大名垂宇宙空
成慟哭向蓬蒿灞亭老將歸常夜無奈人間兒
女曹

夜泊水村

腰間羽箭久凋零太息燕然未勒銘老子猶堪
絕大漠諸君何至泣新亭一身報國有萬死雙

鬢向人無再青記取江湖泊船處臥聞新雁落
寒汀

幽居

遶屋巉巉碧玉峰箇中天遣養疎慵捐書已歎
空虛腹得酒還澆壘塊曾曲几坐看窺戶月短
蓬臥聽隔城鐘柴桑自有歸來意枉道人間不
見容

與隣翁登山亭

數掩槿籬圍夕照一間茅舍背陰崖吾生擾擾
實無樂人事悠悠那可諧憂患向來侵綠鬢登
臨此日費青鞋京華舊友凋零盡野老逢迎一
散懷

無題

輾轉羶車赴密期追歡最數牡丹時新春欲近
猶貪喜舊愛潛移不自知寶鏡塵生鸞悵望鈿
箏絃絕雁參差玉壺莫貯臙脂淚從溼泥金帶

上詩

遣興

平生與俗馬牛風落魄人間亦未窮
綠綺奏終香縷碧烏絲書罷燭花紅
夢中吳蜀山川近醉後周秦戰伐空
投老飄然君勿笑也勝魚鳥在池籠

夢宴客大樓上命筆作詩既覺續成之

表裏江山亦樂哉
華纓滿座敵鄒枚
歌從郢客樓中聽
獵向樊姬墓上回
梅蘂香清篸寶髻
熊蹯味美按新醅
眼邊歷歷興亡事
欲賦章華恐過哀

新塘夜歸

煙月茫茫十里堤
數聲漁唱埭東西
旋燒新兔傾村酒
扶得歸來醉似泥

古風

少年慕黃老雅志在山林
火食亦彊勉寧有婚

宦心失脚墮世網衰病忽侵尋放逐適天幸獨
恨山未深一牀元不睡翛然橫素琴開門毛髮
冷湖濶月欲沈

又

賀鑑未嘗死江天醉初醒逸少亦度世弭節過
蘭亭吾本淡蕩人轉徙如蓬萍聊憑一盃綠駐
此雙鬢青邂逅兩仙翁笙鶴遊青冥還家不能
食濁世紛羶腥

又

功名如博戲大叫或作盧文辭組繡耳初不繫
賢愚負恃已可笑憎嫉真區區平生學金丹我
豈斯人徒嘯歌醉自和顏鬢老不枯却後三百
年煙雨釣鏡湖

累日無酒亦不肉食戲作此詩

小築精廬剡曲傍枵然蟬腹與龜腸酒錢覓處
無司業齋日多來似太常雲碓旋舂菰米滑風

爐親候藥苗香明年更入南山去要試囊中服
玉方

讀書

讀書四更燈欲盡胷中太華蟠千仞仰呼青天
那得聞窮到白頭猶自信策名委質本爲國豈
但空取黃金印故都卽今不忍說空宮夜夜飛
秋燐士初許身輩稷契歲晚所立慙廉藺正看
憤切詭成功已復雍容託觀釁雖然知人娶未
易詎可例輕天下士君不見長松臥壑困風霜
時來屹立扶明堂

自妙相歸將至杜浦堰舟中作

斜陽發東郭初夜轉西城寺閣疎鐘動漁村遠
火明蒼茫林靄滅撲漉水禽驚漸喜吾廬近遙
聞過埭聲

秋興

樵風溪上弄扁舟濯錦江邊憶舊遊豪竹哀絲

真昨夢爽砧繁杵又驚秋墜枝橘熟初堪剪浮
醅香恰受芻莫道身閑總無事孤燈夜夜寫

清愁

哀北

太行天下脊黃河出崑崙山川形勝地歷世多
名臣哀哉六十年左衽淪胡塵抱負雖奇偉沒
齒不得伸老夫實好義北望常酸辛何當擁黃
旗徑涉白馬津窮追殄犬羊旁招出鳳麟努力

待傳檄勿謂吳無人

琵琶

西蜀琵琶邏沙槽梨園舊譜鬱輪袍繡筵銀燭

燕宮夜一飲千鍾未足豪

故蜀燕王宮今
爲張氏海棠園

三江舟中大醉作

志欲富天下一身常苦飢氣可吞匈奴束帶向
小兒天公無由問世俗那得知揮手散醉髮去
隱雲海涯風息天鏡平濤起雪山傾輕帆入浩

蕩百怪不可名虹竿秋月鈞巨鰲倘可求滅迹
從今逝回看隘九州

短歌行

百年鼎鼎世其悲晨鐘暮鼓無休時碧桃紅杏
易零落翠眉玉頰多別離涉江采菱風敗意登
樓待月雲爲祟功名常畏謗讒興富貴每同衰
病至人生可歎十八九自古危機無妙手正令
插翮上青雲不如得錢卽沽酒

悲秋

秋燈如孤螢熠熠取窗戶秋雨如漏壺點滴連
早算我豈楚逐臣慘愴出怨句逢秋未免悲直
以憂國故三軍老不戰比屋困征賦可使江淮
間歲歲常列戍

步至西村

一飽無餘事西村偶獨行檣笳息微倦汲井漱
餘醒川濶雁平度谷虛雲亂生絕知豐歲樂笑

語隔柴荆

題接待院壁

笙歌淒咽離亭晚
回首高城半掩門
疊疊遠山橫翠靄
娟娟新月取黃昏
未嫌雙舫妨欹枕
自是孤舟易斷魂
遙想柯橋落帆處
隔江微火認漁村

九月晦日作

菊枝傾倒不成叢
桐葉凋零已半空
自是老來

多感慨不應蕭瑟爲秋風

又

由路清寒近探梅
振衣高處興悠哉
飛鴻杳杳江天濶
一片愁從萬里來

又

錦城誰與寄音塵
望斷秋江大六鱗
正使傾家供麴蘖
定知不解醉愁人

又

炊煙漠漠衡門寂
寒日昏昏倦鳥還
數樹丹楓映蒼檜
天工解作范寬山

陶山遇雪覺林遷菴主見招不果往

山中大雪二尺彊
道邊虎跡如椀大
衰翁畏虎復畏寒
招喚不來公勿怪
梨花開時好風日
走馬尋公作寒食
不須沽酒引陶潛
箭筍蕨芽如蜜甜

哭王季夷

超遙天馬渥洼來
萬里修途忽勒回
爽氣卽今猶可想
舊遊何處不堪哀
夢中有客徵殘錦
地下無爐鑄橫財
欲酌一尊身尙病
鬣封春露溼蒼苔

樊江晚泊

碧雲吞日天欲暮
城西捩柁城東路
蓴羹菰飯香滿船
正是江頭落帆處
荻洲漁火遠更明
煙水蒼茫聞雁聲
不是綠尊能破悶
白頭客路若

爲情

蛾眉村旅舍作

小雨初收景氣和青苔狼藉落梅多曲肱野店
睡斜日濯足溪橋鳴細波久厭俗情生眼白近
承天詔賜顏陀予自壬寅冬兩頰復丹騎鯨未返蓬壺去
此路猶須幾浩歌

娥江野飲贈劉道士

春光盎盎催官柳柳色黃如醜中酒橋邊微逕

愜幽尋世外高人共攜手參差茅舍出木末隱
映酒旗當浦口插花處處引村童失道時時問
耕叟客堪共醉百無一事不諧心十常九日斜
潮落不可畱孤舟欲上頻搔首

丈亭遇老人長眉及肩欲就之語忽已張
帆吹笛而去

颯颯長眉綠覆肩欲推壽數意茫然若非楚國
庚寅歲定是堯時丙子年銅笛一聲驚宿鷺蒲

帆數幅破晴煙遙知乘醉江湖去黃鶴樓頭又
放顛

寓舍聞禽聲

日暖林梢鴨鳩鳴稻陂無處不青青老農睡足
猶慵起支枕東窗盡意聽

春晚

雨足人家插稻秧蠶生隣女采桑黃萬花掃迹
春將暮百艸吹香日正長閑覓啼鶯穿北嶼戲

隨飛蝶過東岡飄然且喜身彊健不怪兒曹笑
老狂

題瑩師釣臺圖

羊裘老子釣魚處開卷令人雙眼明未可忽忽
便持去夜窗吾欲聽灘聲

仗錫平老具舟車迎前天衣印老印悉遣
還策杖訪之作二絕句奉送兼簡平

画舫籃輿不許前白頭行脚意超然舜江禹穴

千山水盡在高人拄杖邊

又

魚鼓聲中白氎巾
南山筍蕨一番新
長安不是無卿相
林下平津獨可人

湖邊曉行

蹇驢清曉掠湖堤
緩轡迎涼帽影低
露拆渚蓮紅漸開
雨催陂稻綠初齊
先秋葉已時時墮
失旦雞猶續續啼
不是老來忘睡美
戴星南畝慣

扶犁

久雨杜門遣懷

風雨蕭蕭臥掩關
經旬登覽負溪山
也知解送豐年喜
無奈難消永日閑
平野橫吹看凌厲
画簷高瀉聽淙潺
城闌路斷吾何恨
濁酒枯魚亦破顏

梅雨陂澤皆滿

雨暗迷行路
溪澗沒舊痕
汪汪牛渚白
盎盎酒

醅渾暖浸千畦稻橫通十里村群蛙更堪笑鼓
吹鬧黃昏

夜意

幌外燈青見鼠行林梢月黑有梟鳴只言中夏
夜偏短萬里夢回天未明

又

睡覺隣雞已再啼蓬窗燈暗雨淒淒東家蹇驢
不用俗明日門前一尺泥

幽事

老境伶緣減閑居幽事多去沙通斷澗挿援護
新荷碁罷看山臥釣歸搖楫歌餘年端有幾風
月且婆娑

對酒戲作

去日犇輪不啻過凌煙勳業已蹉跎只言一寸
丹心在無奈千莖白髮何色比鵝雛京口酒聲
如珠貫渭城歌身閑取醉真當勉莫學癡人夢

螿窠

夏雨

清風起湖濱急雨來天末蚊蠅遽退聽松竹例
蘇活奇聲集空庭爽氣生細葛素秋雖尙遙聊
喜寬肺渴

軍中雜歌

三受降城無壅城賊來殺盡始還營漠南漠北
靜如掃清夜不聞胡馬聲

又

秦人萬里築長城不如壯士守北平曉來磧中
雪一丈洗盡羶腥春艸生

又

匈奴莫復倚長戈來款軍門早乞和鐵騎如山
尙可避飛將軍來汝奈何

又

名王金冠玉蹀躞面縛纛下聲呱呱橐街未遽

要汝首賣與酒家鉗作奴

又

三月未春冰塞川
冬月苦寒雪闇天
紫髯將軍
曉射虎嚇殺胡兒箭似椽

又

北面行臺號令新
繡旗豹尾渡河津
檄書纔下
降書至不用兒郎打女真

又

漁陽兒女美如花
春風樓上學琵琶
如今便死
知無恨不屬番家屬漢家

又

北庭茫茫秋艸枯
正東萬里是皇都
征人樓上
看太白息婦城南迎紫姑

夏夜舟中聞水鳥聲甚哀若曰姑惡感而
作詩

女生藏深閨未省窺牆藩
上車移所天父母爲

它門妾身雖甚愚亦知君姑尊下牀頭雞鳴梳
髻著襦裙堂上奉灑掃厨中具盤飧青青摘葵
菟恨不美熊蹯姑色少不怡衣袂溼淚痕所冀
妾生男庶幾姑弄孫此志竟蹉跎薄命來讒言
放棄不敢怨所悲孤大恩古路傍陂澤微雨鬼
火昏君聽姑惡聲無乃譴婦魂

莫歸舟中

五月未劇暑莫從城市還斷虹低飲澗落日遠

街山嶼舍叢蘆外菱舟薄靄間詩情終艸艸虛
遣鬢毛斑

又

湖水綠可愛弄橈衝夕霏林昏漁火壯山轉寺
鐘微老歎世情惡窮知心事違回頭語孤鶴伴
我莫先飛

夏夜

夏夜忽已半東岡月初生起行遶庭樹愛此露

滴聲漂流憶安臥局促念遐征幽懷誰晤語
華觴還自傾

又

螢火喜暗庭桐葉矜冷雨幽人悄不寐獨夜誰
與處乾坤信無情歲月遽如許明發視鏡中鬢
絲添幾縷

又

庭荒蔓艸長堂豁爽氣入悠然推枕起聊作倚
杖立飛螢亦避雨黏棟光熠熠南隣輸稅歸小
婦愁夜汲

又

結屋在郊墟翛然謝炎熾窗扉故闕寂水竹亦
幽邃飛蟲望燈集栖燕衝雨至石枕與葛屨美
哉今夕睡

北渚

北渚露濃蘋葉老南塘雨過藕花稀新秋漸近

蟬更急殘日已沉鴉未歸銅鏡面顏無藥駐玉
關勳業與心違一蓑一笠生涯在且醉蒼苔舊
釣磯

夏日五鼓起戲書

老雞喔喔桑樹顛明星磊磊茅屋邊我與視夜
不復眠坐看朝暎浴虞淵開窓清風來穆然拂
几洗研整蠹編火雲崔嵬忽滿天安得羲和徐
著鞭

雨夜

急雨如河瀉瓦溝空堂臥對一燈幽老雞多事
彌知曉落葉無情先報秋身未蓋棺誰可料算
常有酒莫閑愁功名老大從來事且復長歌起
飯牛

小立

曠懷塵事外小立綠陰間舉世皆嫌拙平生剩
得閑江郊雲易暗旱歲雨終慳欲醉尊無酒悠

然對暮山

徙倚

漁扉夕不掩徙倚欲三更月正樹無影露濃荷
有聲崢嶸歲將晚悄悄愴恨難平坐念中原沒男
兒恐浪生

居山

涉世緣雖薄居山味自長穿雲雙履溼洗藥一
溪香有酒作臉纈無愁供鬢霜遼天渺歸鶴千

載付茫茫

劍南詩彙卷第十四

虞山毛晉宋本校刊 男辰再校 孫綏德又校

劔南詩彙目錄

卷第十五

秋興二首

八月五日夜半起飲酒作草書

數紙 秋雨漸涼有懷興元三首 秋風曲

送宣書記并寄其兄曇才二公 起晚

戲作 飲村店夜歸二首 雨夜感懷 寄

葉道人 月下小酌 讀袁公路傳 鄰

曲小飲 秋夜觀月二首 枕上 秋夕大



NATIONAL CENTRAL LIBRARY, TAIWAN, R.O.C.

風松聲甚壯戲作短歌 明河篇 夜間

隣家治稻 浪迹 夜步庭下有感 題

酒家壁 題書齋壁 贈猫 秋夕 秋

雨排悶 小舟航湖夜歸書觸目首三 幽

居書事首二 晚霽首二 雨後散步後園首二

示客 甲子晴 後一日復雨 紹興

庚辰余遊謝康樂石門與老洪道士痛飲

賦詩既還山陰王仲信為予作石門瀑布

圖今二十有四年開圖感歎作首二 雨中

遣懷 秋思 秋雨歎 雨中小酌 衰

病有感首三 雨止頓寒遂有晴意 秋晴

出遊 悲秋首四 久雨道懷 野步書觸

目 月下 九月十日 秋晴園中山禽

絕多有感而賦 燈籠 舟過南莊呼村

老與飲示以詩首二 秋夜獨過小橋觀月

紹興中與陳魯山王季夷從兄仲高以

重九日同遊禹廟後三十餘年自三橋泛
 舟歸山居秋高雨霽望禹廟樓殿重複光
 景宛如當時而三人者皆下世予亦衰病
 無聊慨然作此詩 雜興首四 予秋夜觀
 月得瘧疾枕上賦小詩自戲 後春愁曲
并序 秋花歎 寄題朱元晦武夷精舍 首五
 病思 病愈 病中忽有眉山人史君
 見過欣然接之口占絕句 初寒 出塞

曲 無題 道室卽事 夙興 長安道
 記夢 冬夜讀書 遊僊 首五 過鄰家
 山園晚興 初冬出扁門歸湖上 新
 寒小醉睡起日已高戲作 太息 冬夜
 讀書 晚步 村舍 野步至近村 夜
 坐油盡戲作 首二 歲暮 幽居感懷 山
 中夜歸戲作短歌 狂歌 遲暮 種秫
 擁爐 冬夜吟 讀書罷小酌偶賦